

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ**

**IZVJEŠTAJ O RADU JEDINSTVENOG ORGANA
UPRAVE OPĆINA MAGLAJ ZA PERIOD
01.01.2020. DO 31.12.2020. GODINE**

Godišnji izvještaj



Mirsad Mahmutagić, načelnik općine Maglaj

Maglaj, mart 2021. godine

1. OPĆI DIO

Nadležnosti načelnika općine utvrđene su: Ustavom Federacije BiH, Ustavom Zeničko-dobojskog kantona, Zakonom o principa lokalne samouprave, Zakonom o budžetu Federacije BiH, Statutom Općine, aktima Općinskog vijeća i ostalim zakonskim i podzakonskim aktima koji se odnose na rad načelnika općine.

U izvještajnom periodu načelnik općine Maglaj je u okviru svojih ovlaštenja:

- obavljao izvršne poslove iz djelokruga lokalne samouprave koji su mu povjereni zakonom,
- izvršavao i osiguravao izvršavanje općih i drugih akata Općinskog vijeća, prostornih i urbanističkih planova te drugih akata Vijeća,
- upravljao nekretninama i pokretninama u vlasništvu Općine Maglaj kao i prihodima i rashodima Općine Maglaj,
- utvrdio prijedlog godišnjeg Budžeta Općine Maglaj,
- usmjeravao djelovanje Jedinственог organa uprave Općine Maglaj u obavljanju poslova iz samoupravnog djelokruga Općine i nadzirao njihov rad,
- utvrđivao je prijedloge općih i drugih akata koje donosi Općinsko vijeće Maglaj (u daljem tekstu: Vijeće),
- davao mišljenje o prijedlozima odluka i drugih akata koje Vijeću upute drugi ovlašteni predlagači,
- te obavljao i druge poslove u skladu sa zakonom i podzakonskim aktima, Statutom Općine Maglaj i aktima Vijeća.

Realizaciju navedenih aktivnosti, načelnik je ostvarivao i na brojnim sastancima i konsultacijama, kroz djelovanje radnih tijela, kroz aktivnosti načelnika, kao i kroz rad Jedinственог organa uprave uključujući i javne ustanove i javna preduzeća.

Sastavni dio ovog Izvještaja su skraćeni izvještaji općinskih službi u kojima su predstavljeni najbitniji realizirani projekti i druge aktivnosti (detaljni izvještaji općinskih službi za 2020. godinu se mogu preuzeti u službama). Općinsko pravobranilaštvo Maglaj, kao zaseban organ, Općinskom vijeću dostavlja svoj izvještaj o radu za 2020. godinu.

Općenito se može konstatovati da je pandemijska 2020. godina značajno uticala na funkcionisanje cjelokupnog sistema pa tako i na procese unutar Općine Maglaj. Posebno negativan efekat pandemije se odrazio na finansijsko stanje kao i na mogućnost realizacije određenih projekata sa različitim institucijama i organizacijama, kako domaćim tako i međunarodnim.

1.1. AKTIVNOSTI REALIZIRANE U 2020. GODINI

Tokom 2020. godine održan je niz aktivnosti, ali se najveći dio njih odnosio na funkcionisanje u uslovima pandemije. U tom pogledu, načelnik općine sa svojim saradnicima je održao niz sastanaka sa predstavnicima pojedinih grana privrede, privrednicima, sportskim kolektivima, humanitarnim organizacijama, javnim ustanovama i preduzećima. Pored toga, izvršen je obilazak više privrednih subjekata od trgovačkih i ugostiteljskih objekata do proizvodnih pogona. Bez obzira na uslove pandemije tokom godine je održan i niz različitih aktivnosti od kojih izdvajamo:

- 30.01.2020.godine - Predstavnici Češke Razvojne agencije, Ivana Pejić Povolna, programska menadžerica za Balkan i Jakub Braček, stručni konsultant u oblasti energetike posjetili su Općinu Maglaj. Razgovarali su sa načelnikom općine i saradnicima o projektu izgradnje sistema centralnog grijanja u Maglaju, o pripremi kredibilne aplikacije, kao i narednim koracima koji predstoje.
- 10.02.2020.godine - Općina Maglaj potpisala je sporazum o saradnji sa pet italijanskih općina u regiji Brescia, Costa Volpino, Rogno, Pian Camuno, Angolo Terme i Salero.
- 14.02.2020.godine - Stručni konsultanti UNDP-a, u okviru projekta UNDP BIH „Povećanje ulaganja u objekte javne namjene s niskom emisijom ugljika“, posjetili su Općinu Maglaj. Presentovali su proces i plan aktivnosti na izradi Akcionog plana za održivu energiju i borbu protiv klimatskih promjena, kao i korake za pristupanje Općine Maglaj Sporazumu gradonačelnika/načelnika za klimu i energiju.
- 03.03.2020.godine - Načelnik općine učesnik vježbe „ARON 2020” u Sloveniji, gdje je prezentovano kako izgleda organizacijska struktura i djelovanje radioamatera u Sloveniji koji su usko povezani sa

hitnim službama, te im pomažu prilikom vanrednih situacija. "ARON" je inače radioamaterska mreža za opasnost u Sloveniji koja okuplja radioamaterere koji pomažu Civilnoj zaštiti prilikom vanrednih situacija u slučaju prekida komunikacijskih veza.

- 22.04.2020.godine - Općinu Maglaj posjetili su generalni sekretar Crvenog križa FBiH i član Federalnog štaba civilne zaštite Namik Hodžić i sekretar Crvenog križa Zeničko-dobojskog kantona Ermin Čato, a sastanku je prisustvovao i sekretar Crvenog križa Maglaj Ismar Mehinagić. Razgovarali su sa načelnikom općine Mirsadom Mahmutagićem o trenutnoj situaciji na području općine Maglaj, značaju Crvenog križa u ovom periodu, kao i aktivnostima Crvenog križa Maglaj.
- 12.06.2020.godine - zamjenik šefice Misije OSCE-a u BiH g. Dmitry Iordanidi posjetio je općinu Maglaj.
- 17.06.2020.godine - Predstavnici humanitarne organizacije „Border Free“ iz Züricha u Švicarskoj, koju predvodi Maglajka Vanja Crnojević posjetili su općinu Maglaj. Cilj posjete je trenutna situacija uzrokovana pandemijom COVID-19, te pomoć građanima.
- 20.07.2020.godine - Načelnik općine i Udruženje građana "Fojničani" potpisali su Memorandum o saradnji na projektu "EKO HUB Maglaj", kojeg u okviru trogodišnjeg projekta "Misli o prirodi" implementira Centar za promociju civilnog društva (CPCD) uz finansijsku podršku Vlade Švedske. Ovim memorandumom se pruža okvir za provedbu projektnih aktivnosti na području općine Maglaj, posebno ekoloških akcija građana koji će biti odabrani putem javnog poziva, te se ukazuje na važnost očuvanja okoliša.
- 23.07.2020.godine - Milenka Pečenica iz Češke organizacije "People in Need" i Mirzet Mujagić iz organizacije "ENOVA" posjetili su općinu Maglaj i razgovarali sa načelnikom općine Mirsadom Mahmutagićem o projektu "SMARTER" koji je finansiran od strane Europske unije i ima za cilj implementaciju novog sistema certificiranja objekata. To će doprinijeti zaštiti okoliša, poboljšanju životne sredine i nižim troškovima življena za stanovništvo.
- 01.09.2020.godine- Načelnik općine održao je sastanak sa Arminom Kržalićem, profesorom na Fakultetu za kriminalistiku, kriminologiju i sigurnosne studije u Sarajevu, predstavnicima MUP-a ZDK i Udruženja Nova sigurnosna inicijativa, Alenom Ćosićem službenikom Misije OSCE-a u Maglaju, te Borom Jevtićem i Enesom Imamovićem predstavnicima mjesne zajednice Bočinja. Cilj sastanka jeste da se zajedničkom saradnjom realizuje projekat sanacije vodovoda u mjesnoj zajednici Bočinja, čime će se riješiti problem vodosnabdijevanja na ovom području.
- 10.09.2020.godine - Općinu Maglaj posjetio je direktor Sekretarijata za raseljena lica i migracije Republike Srpske Marko Ačić i sastao se sa načelnikom općine Mirsadom Mahmutagićem. Sastanku su prisustvovali i šef Ureda Misije OSCE-a u Travniku Will Richard, službenik Misije OSCE-a u Maglaju Alen Ćosić, Nenad Kršić iz Odjeljenja za raseljena lica i izbjeglice Općine Maglaj, te predstavnici Zavičajnog udruženja Gornjih Rakovčana – "Ognjište Rakovačko" Davor Vidaković i Dorđe Marić.
- 09.11.2020.godine - U okviru nastavka ranije započetih aktivnosti na realizaciji Projekta rekonstrukcije i izgradnje Trga Alije Izetbegovića u Starom gradu, Općinu Maglaj posjetio je koordinator Turske agencije za saradnju i koordinaciju (TIKA) za BiH Muhammed Unal sa saradnicom.
- 23.12.2020.godine - Policijski komesar Uprave policije Ministarstva unutrašnjih poslova Zeničko-dobojskog kantona (MUP ZDK) Semir Šut posjetio je Općinu Maglaj na poziv načelnika Mirsada Mahmutagića. Sastanku je prisustvovao i komandir Policijske stanice Maglaj, Alen Mušić. Razgovarali su o trenutnom stanju po pitanju migrantske krize, stanju kriminaliteta, javnom redu i miru, kao i bezbjednosti saobraćaja.

Bitno je napomenuti i da je u izvještajnom periodu:

- objavljeno 730 vijesti na zvaničnoj web stranici maglaj.ba;
- održano preko 200 sastanaka;
- objavljeno 36 obraćanja i saopćenja načelnika općine s ciljem upozorenja i pružanja podrške građanima općine Maglaj u borbi protiv koronavirusa;
- objavljeno 200 pregleda servisnih informacija sa tačnim podacima o broju zaraženih, oporavljenih, kao i onih koji su u izolaciji;
- svakodnevna komunikacija sa građanima koji su bili smješteni u depadans Stacionara i u KBZ;

- tokom pandemije obezbjeđeno je preko 400 paketa za sugrađane koji su zbog COVID-19 boravili u depadans Stacionara i Kantonalnoj bolnici Zenica;
- vršila se dezinfekcija javnih i kontakt površina koju je proveo certificirani i ovlašteni Institut za zdravlje i sigurnost hrane Zenica, Profesionalna vatrogasna jedinica i KJD Maglaj;
- objavljen poziv za volontiranje u PVJ i u Općinskom štabu civilne zaštite i Crvenom križu Maglaj. Cilj formiranje volonterskih štabova;
- izrađeni zaštitni viziri za Dom zdravlja Maglaj i javne ustanove i preduzeća kao i dva dezinfekciona tunela;
- na prijedlog načelnika općine Mirsada Mahmutagića i Službe za privredu, finansije/finansije i razvoj poduzetništva Općine Maglaj, Općinsko vijeće je usvojilo set mjera za podršku privrednim subjektima čiji je rad bio privremeno obustavljen naredbama Federalnog štaba civilne zaštite;
- prosljeđen zahtjev Federalnom kriznom štabu i Federalnoj upravi civilne zaštite s ciljem definisanja statusa djelatnosti autoškola, obzirom da donesenim naredbama ova djelatnost nije bila izričito zabranjena niti se nalazi na spisku djelatnosti koje se donesenim naredbama izuzimaju od zabrane. Nakon toga je podnesena Inicijativa za uvrštavanje djelatnosti autoškola i internet klubova u Listu zabranjenih djelatnosti kako bi privredni subjekti iz ovih djelatnosti mogli uredno aplicirati i predati zahtjeve za Javni poziv za prikupljanje zahtjeva za odobrenje i dodjelu finansijskih sredstava za subvencioniranje 50% najniže neto plate za mart 2020. godine, kao i sve druge javne pozive koji će biti namijenjeni djelatnostima čiji rad je privremeno obustavljen. Inicijativa je upućena Kantonalnom štabu civilne zaštite i Vladi ZDK;
- po prvi put su planirana i sredstva za sufinansiranje potpomognute vantjelesne oplodnje i objavljen Javni poziv za podnošenje zahtjeva za dodjelu jednokratne novčane pomoći u svrhu sufinansiranja troškova vantjelesne oplodnje u 2020. godini;
- Maglaj pod videonadzorom. Kamere su instalirane na kružnom toku, na raskrsnici u sjevernom dijelu grada kod Prve osnovne škole Maglaj, na gradskom mostu, na južnom ulazu u grad kod benzinske pumpe "Energopetrol", na semaforima kod Karingtonke, na Omerdinom polju i Bijeloj Ploči. Na taj način su kamerama pokriveni svi ulazi i izlazi iz Maglaja. Ukupno je postavljeno osam kamera na sedam lokacija, a sistem videonadzora uvezan je sa Policijskom stanicom Maglaj, gdje će se vršiti 24-satna kontrola. Ovaj projekat Općina Maglaj je realizovala u cilju poboljšanja sigurnosti građana i njihove imovine, kao i sigurnosne situacije kontrolom bezbjednosti javnih površina, te saobraćaja;
- pripremljene 2 Svečane akademije povodom značajnih datuma, organizator Općina (1.03. Dan nezavisnosti, 18.09. Dan Općine). Ostali značajni datumi obilježeni su polaganjem cvijeća na spomen obilježja, u skladu s mjerama i preporukama koje su na snazi zbog pandemije koronavirusa. Dan Općine obilježen Akademijom, dodjelom javnih priznanja, prijemom za načelnike koji su obnašali funkciju od perioda osamostaljenja BiH do danas, te nagradama za djecu koja su rođena na Dan Općine posljednje dvije godine;
- obezbjeđeno preko 50 paketića za djecu socijalno ugroženih kategorija.

1.2. OPĆE NAPOMENE O AKTIVNOSTIMA OPĆINSKOG ŠTABA CIVILNE ZAŠTITE

Uzimajući u obzir da je FŠCZ od momenta proglašenja stanja pa sve do ukidanja stanja prirodne nesreće donio 215 akata od kojih se najveći broj njih 198 odnosio na naredbe, a preostali dio na zaključke, preporuke ili preglede određene podjele sredstava, direktno su obavezivale OŠCZ općina pa tako i općine Maglaj 82 naredbe.

Neophodno je napomenuti, da su sve naredbe donešene od strane OŠCZ općine Maglaj morale biti u skladu sa naredbama FŠCZ, KŠCZ ZDK i KŠ MZFBiH i KŠ MZZDK. Općinski štabovi CZ nisu imali mogućnost širine djelovanja u cilju ublažavanja stanja prouzrokovano pojavom COVID-19 na što smo svi kao OŠCZ bili upozoreni.

Od momenta proglašenja do momenta prestanka stanja nesreće na teritoriji Federacije BiH prouzrokovano pojavom COVID-19, OŠCZ općine Maglaj ukupno je održao 17 vanrednih sjednica od kojih su 4 bile održane telefonskim putem na kojima su donesene naredbe u skladu sa naredbama nadležnih štabova, kao i ostale akte i informacije za građane. Sve one su objavljene na zvaničnoj web stranici Općine Maglaj i putem RTV Maglaj u cilju informisanja građana općine Maglaj. Obzirom da su naredbe nadležnih štabova generalno obuhvatale aktivnosti koje je neophodno provoditi na teritoriji

Federacije, kantona pa i općina/gradova, kako bi građanima općine Maglaj izdate naredbe bile jasnije, OŠCZ je u svojim naredbama obrazložio aktivnosti i mjere koje su bile vezane za područje općine Maglaj u cilju bolje organizovanosti i zaštite stanovništva i materijalnih dobara, vodeći računa da iste budu usklađene sa naredbama nadležnih štabova, a ipak jasnije za njihovu primjenu. S tim u vezi, uz svaku izdatu naredbu OŠCZ općine Maglaj je izdao i dodatne napomene, informacije, obavještenja ili upozorenje u kojima su se davale određene upute za primjenu i poštivanje izdatih naredbi.

Pored toga, OŠCZ Maglaj je svakodnevno kroz servisne informacije upoznao građane o stanju na općini Maglaj kada je u pitanju broj lica u samoizolaciji, karantenu, testiranih, pa i lica koja su kršila samoizolaciju. Takođe je izdavao i upozorenja o aktivnostima koje je neophodno realizovati u cilju sprečavanja pojave i širenja COVID-19, kao i obavještenja o svim provedenim aktivnostima OŠCZ općine Maglaj proisteklih kako u izdatim naredbama, tako i aktivnostima koje su bile neophodne u cilju ublažavanja novonastale situacije. Uporedo je OŠCZ Maglaj nadležnim institucijama slao i inicijative i zahtjeve u cilju informisanosti o stanju na području općine Maglaj, kao i problematici sa kojom se susrećemo u primjeni mjera, pa i samom poštivanju izdatih naredbi. Tako je prema FŠCZ i Vijeću Ministara BiH upućen Zahtjev za ulazak stranih eksperata u cilju funkcionisanja privrede, a odnosilo se na ulazak eksperata iz Republike Hrvatske kako bi završili započeti remont u firmi natron-Hayat. Upućena je Inicijativa prema Vladi ZDK i Zahtjev prema Federalnom Ministarstvu zdravlja za izmjenu Odluke odnosno Rješenja o utvrđivanju objekata za karanten. FŠCZ upućena je Inicijativa da se donese izmjena Naredbe o zabrani kretanja osobama mlađim od 18 i starijim od 65 godina, omogućivši im kretanje pod uslovima poštivanja naredbi i preporuka koje su na snazi za ostala lica. Na sve naše upite, nažalost nismo dobili odgovor, a kamoli da smo kontaktirani ili da su se određene aktivnosti koordinirale sa OŠCZ Maglaj.

Načelnik općine je pripremio prijedlog Općinskom vijeću "Prvi set mjera za pomoć privredi", a koji se odnosio na:

- oslobađanje uplate komunalne takse na istaknutu firmu oslobađanje od najmanje jednog kvartala;
- oslobađanje od plaćanja obaveze privrednim subjektima i fizičkim licima - vlasnicima poslovnih prostora koji se koriste ili iznajmljuju za obavljanje poslovnih djelatnosti čiji rad je naredbama privremeno zabranjen oslobađanje od najmanje jednog kvartala;
- oslobađanje ugostiteljskih objekata u 100% iznosu naknade za korištenje javnih površina (zakupnine za ljetne bašte, tende) za 2020. godinu. Produženje perioda za dalje oslobađanje je uslovljeno trajanjem pandemije koronavirusa, donesenih naredbi o zabrani rada, mjerama viših nivoa vlasti i punjenjem Budžeta. Prvi set za pomoć privrednicima usvojen je na 38. sjednici Općinskog vijeća 21.05.2020.godine.

Načelnik općine kao komandant OŠCZ Maglaj izvršio je obilazak većeg dijela privrednih subjekata na općini Maglaj, dok je sa ostalima bio u redovnom telefonskom kontaktu (Bingo, Konzum, HM-Promet, Bontex, Saraj- milk, Exel Assemblies, Budo Export, Natron-Hayat, Non-Stop pekara i dr., s ciljem saznanja poduzetih mjera i aktivnosti na sprečavanju pojave i širenja COVID-19. Obilazio je dežurne službe javnih ustanova i institucija, kao i RO MDD Merhamet i Crveni križ Maglaj sa ciljem upoznavanja o novonastaloj situaciji, problematici koja je aktuelna u vezi sa njihovim radom.

Na inicijativu načelnika općine u koordinaciji Općine Maglaj i „Magnet studija“ metodom 3D printa izrađeni su prvi viziri koji su poklonjeni JU Dom zdravlja Maglaj. Nastavljena je izrada zaštitnih vizira uz pomoć JU Gimnazija „Edhem Mulabdić“ koja je ustupila svoj 3D printer, uz pomoć prijatelja iz Tešnja koji su donirali jedan dio repromaterijala, te firme HM-Promet koja je donirala drugi dio repromaterijala. Također, na inicijativu načelnika općine ispred JU Dom zdravlja Maglaj, postavljen je i tunel za dezinfekciju s ciljem sprečavanja širenja infekcije uzrokovane koronavirusom, dok je projekat izrade i samo postavljenje bilo djelo našeg sugrađanina. Dio materijala za ovaj projekat je obezbjedila Općina Maglaj, dok je preostali dio, pored izrade, bio poklon realizatora.

Na zahtjev načelnika općine u periodu 24.03.-29.03.2020. godine izvršena je dezinfekcija "širih razmjera", jedna od možda i najbitnijih mjera u borbi protiv COVID-19, pri čemu su dezinfikovane sve javne ustanove, JU Dom zdravlja, Policijska stanica Maglaj, Sportska dvorana, sve lokacije na kojima se okuplja veći broj građana, Tržni centar i pijaca, Narodna apoteka, svi vjerski objekti, te podrumске prostorije svih stambenih zgrada. Dezinfekciju je obavio Institut za zdravlje i sigurnost hrane Zenica.

1.3. PREGLED APLICIRANIH, REALIZOVANIH I PROJEKATA KOJI SU U TOKU

Tokom kalendarske 2020. godine Općina Maglaj je radila na pripremi, apliciranju i realizaciji niz različitih projekata koji su prikazani u tabeli:

Projekat	Organizacija	Sufinansiranje od strane ministarstva/donatora	Sufinansiranje od strane Općine Maglaj	Ukupna vrijednost projekta	Napomena
“Izgradnja primarne servisne saobraćajnice IPZ Liješnica”	Federalno ministarstvo razvoja, poduzetništva i obrta	80.000,00	42.000,00	125.000,00	Završen u 2020.g.
“Izgradnja primarne servisne saobraćajnice IPZ Liješnica”	Ministarstvo za privredu ZDK	142.000,00	37.958,30	179.958,30	Završen u 2020.g.
“Provođenje mjera energetske efikasnosti na javnoj rasvjeti u Maglaju”	Fond za zaštitu okoliša FBIH	40.000,00	27.550,00	67.550,00	Završen u 2020.
“Izgradnja fekalne kanalizacije naselja Misurići – općina Maglaj – nastavak izgradnje”	Fond za zaštitu okoliša FBIH	90.000,00	60.000,00	150.000,00	Završen u 2020.g.
“Gradski park Maglaj – nastavak izgradnje”	Fond za zaštitu okoliša FBIH	96.000,00	25.195,10	121.195,10	Završen u 2020.g.
“Izrada idejnog projekta izgradnje postrojenja za prečišćavanje otpadnih voda – općina Maglaj”	Fond za zaštitu okoliša FBIH	27.000,00	4.800,00	31.800,00	Završen u 2020.g.
„Izgradnja igrališta Gradskog stadiona u Maglaju“	Federalno ministarstvo kulture i sporta	7.000,00 KM	3.220,00	11.220,00	Završen u 2020.g.
Projekat izgradnje prilaznog puta i potpornog zida – ulaz tvrđava	Federalno ministarstvo kulture i sporta	14.000,00 KM	5.000,00	19.000,00	Završen u 2020.g.
“Maglaj – Sanacija uništenih lokalnih puteva i dijela uticajnih klizišta Gornja Kosova i klizišta Borik III i Borik IV“	Federalno ministarstvo prostornog uređenja	100.000,00	32.340,00	132.340,00	Završen u 2020.g.
Izrada idejnog rješenja i glavnog projekta regulacije korita rijeke Liješnice	Ministarsrvo za poljoprivredu, vodoprivredu i šumarstvo	40.000,00		37.206,00	Završen u 2020.g.
Izrada idejnog rješenja i glavnog projekta regulacije korita rijeke Jablanice	Ministarstvo za poljoprivredu, vodoprivredu i šumarstvo	40.000,00			Završen u 2020.g.
“Gradski park Maglaj – nastavak izgradnje”	Fond za zaštitu okoliša FBIH	50.000,00	33.600,00	83.600,00	U toku
“Održivo upravljanje i smanjenje gubitaka GVS u Maglaju”	Fond za zaštitu okoliša FBIH	29.200,00	20.000,00	49.200,00	U toku
“Modernizacija EE i ekološke javne rasvjete u Maglaju”	Fond za zaštitu okoliša FBIH	55.300,00	37.050,00	92.350,00	U toku
„Saniranje posljedica i štete nastale usljed poplava u općini Maglaj-sanacija lokalnih puteva Liješnica-Fojnica i Ulišnjak-Straište”	Federalno ministarstvo prostornog uređenja	100.000,00	31.080,00	131.080,00	U toku
„Općina Maglaj digitalna transformacija za integrisani razvoj i dostupnost javnih usluga“	UNDP/ FM finansija	90.000,00	30.000,00	120.000,00	U toku

Za realizaciju projekata-mjera iz Strategije razvoja u 2020. godini ukupno je realizovano 4.072.450,00 KM (stanje 31.12.2020. godine). Iz sredstava Budžeta Općine Maglaj implementirano je 1.126.150,00 KM.

Ostali izvori finansiranja su sredstva viših nivoa vlasti te ostali izvori koji obuhvataju grantove i doznake različitih međunarodnih i domaćih organizacija i fondova, sredstva ostalih donatora i sredstva mjesnih zajednica i građana građana koji su sufinansirali određene projekte.

Kao dio rezultata i indikatora ostvarenih poboljšanja kroz provedbu projekata i mjera Strategije razvoja, ističu se:

- izgrađeno, sanirano i rekonstruisano 7.207 m lokalnih puteva;
- izgrađena nedostajuća infrastruktura - 365 m saobraćajnica u poslovnoj zoni Liješnica;
- izgrađena 2 mosta;
- rekonstruisana dio gradske i prigradske, energijski efikasne javne rasvjete;
- realizovana podrška poljoprivredne proizvodnje od 796.162,00 KM;
- povećanje registrovanih poljoprivrednih gazdinstava za 15 (trenutno stanje 1.315) ;
- registrovano 72 novih radnji - obrta;
- povećanje broja novih radnji/obrta za 23;
- povećanje broja privrednih društava za 18;
- registrovano 13 novih Start up privrednih subjekata;
- sanirano jedno klizište;
- nastavak aktivnosti na izgradnji zaštitnih objekata i zaštite od poplava;
- izrađena nedostajuća projektno-tehnička dokumentacija kao preduslov za kandidovanje i vođenje daljih aktivnosti (Raskrsnica na M17– Kosova, Regulacija korita rijeke Liješnice, Regulacija korita rijeke Jablanice, Spomen kuća E. Mulabdić, Rekonstrukcija ulice Aleja Ljiljana, ...);
- nastavljena izgradnja objekata vodosnabdjevanja i unaprjeđeno vodosnabdjevanje;
- nastavljena izgradnja objekata odvodnje i kanalizacije, unaprjeđena zaštita okoliša;
- izgrađena 2 dječija igrališta;
- izgrađeno 8 stambenih objekata / ključ u ruke i drugo.

1.4. REKAPITULACIJA PLANA KAPITALNIH PROJEKATA - PKI 2020-2022.g.

Vrsta aktivnosti	UKUPNA VRIJEDNOST (KM)	PLAN 2020	REALIZACIJA 2020	Izvori finansiranja		
				Budžet	MZ	Ostali izvori
Ukupno saobraćajna infrastruktura:	1.088.286,00	804.000,00	1.260.449,00	462.004,00	91.400,00	707.045,00
Ukupno vodovod i kanalizacija	590.000,00	589.900,00	510.329,00	54.401,00	0	455.928,00
Ukupno javna rasvjeta	215.220,00	135.600,00	89.585,00	32.085,00	7.500,00	50.000,00
Ukupno projekti društvenog značaja	392.777,00	474.000,00	156.371,00	49.925,00	0	106.446,00
Ukupno projektne dokumentacije	135.550,00	176.700,00	97.165,00	26.793,00	0	70.372,00
Sveukupno PKI :	2.421.833,00	2.180.200,00	2.113.899,000	625.208,00	98.900,00	1.389.791,00

Pored navedenih projekata vođene su i slijedeće aktivnosti:

- priprema projekta i projektne aplikacije „Izgradnja igrališta Gradskog stadiona u Maglaju“, F.ministarstvo kulture i sporta;
- priprema aplikacije Centralnog grijanja – Češka razvojna agencija;
- izgradnja poduzetničke infrastrukture – primarna servisna saobraćajnica, Industrijsko poslovna zona Liješnica, Federalno ministarstvo obrta i razvoja poduzetništva;

- koordinacija i komunikacija sa dijasporom;
- vođenje procesa BFC procesa;
- koordinacija aktivnosti projekta Dijaspore za razvoj;
- aktivnosti u okviru projekta PRO Budućnost USAID;
- podrška i razvoj privrede i poduzetništva;
- podrška radu Privrednog savjeta;
- aktivnosti na pripremi koncepta razvoja poslovnih zona i apliciranje za tekuće poticaje;
- aktivnosti na ostalim infrastrukturnim, socijalnim i dr. projektima;
- planovi i tekuće aktivnosti u procesu prevencije i djelovanja u situacijama rizika nakon prirodne nesreće;
- učešće u pripremi i izradi starteških planova i dokumenata.

Shodno smjernicama Zakona o razvojnom planiranju FBiH, vršena je koordinacija i organizacija aktivnosti vezane za operacionalizaciju i implementaciju Strategije razvoja općine Maglaj, 2012-2020. godine. Pripremljen je Akcioni plan implementacije Strategije razvoja općine Maglaj, 2012-2020. godina za 2020. godinu. Izrađen je Izvještaj o realizaciji Strategije razvoja općine Maglaj, 2012-2020. godina za 2019. godinu. Tokom 2020. godine vršena je koordinacija procesa implementacije Strategije razvoja općine Maglaj, 2012-2020. g. i rada Općinskog razvojnog tima, sektorskih i Partnerske grupe.

Također, inicirana je i realizirana izrada projektno tehničke dokumentacije kao preduslova za učešće u projektima i pristupanju izvođenju radova:

- Projekat rekonstrukcije prioritetnih dionica GVS-a-KJD;
- Projekat izgradnje spomen kuće Edhema Mulabdića;
- Projekat rekonstrukcije Aleje Ijliljana – Pošta – Karingtonka;
- Projekat rekonstrukcije trga A. Izetbegovića;
- Projekat odvodnje, kanalizacije i postrojenja za tretman otpadnih voda;
- Projekat raskrsnice-priključne petlje Kosova.

2. SLUŽBA ZA PRIVREDU, FINANSIJE/FINANCIJE I RAZVOJ PODUZETNIŠTVA

U periodu od 01.01. do 31.12.2020. godine u Službi za privredu, finansije/finansije i razvoj poduzetništva rješavano je po podnescima i zahtjevima u 706 predmeta i 766 usklađivanja, ažuriranja i zahtjeva za poticaje u primarnoj poljoprivrednoj proizvodnji. Rađeno je na realizaciji novih i ranije započetih višegodišnjih međunarodnih projekata u koje je uključena Općina Maglaj, i to:

- Projekat PRO Budućnost;
- Projekat podrška investiranju dijaspore u BiH;
- Projekat Farma II;
- Projekat Razvoj radne snage i veći pristup tržištima – WHAM;
- Projekat “Konkurentnost i inovacije: Lokalne razvojne strategije – EU4Business”.

Također, koordinirane su aktivnosti sa raznim domaćim i međunarodnim organizacijama nevladinog sektora kao i sa humanitarnim organizacijama.

Nastavljena je dosadašnja dobra saradnja sa domaćim agencijama i organizacijama na realizaciji projekata iz oblasti privrede, i to sa Poreznom ispostavom Maglaj, Stručnom službom za razvoj i međunarodne projekte Zeničko-dobojskog kantona, Federalnom Agencijom za promociju investicija FIPA, Savezom općina i gradova u Federaciji BiH, MDP inicijative Dobojski, Privrednom komorom Ze-DO kantona, Obrtničkom komorom Ze-do kantona, Spoljno trgovinskom komorom BiH, i dr.

Služba je aktivno radila na redovnom informisanju privrednika na području općine o aktuelnim dešavanjima iz oblasti poduzetništva, pružana pomoć prilikom apliciranja na raspisane Javne pozive Vlade Zeničko-dobojskog kantona i Vlade Federacije BiH. Svi raspisani Javni pozivi, kao i dodatne informacije su se mogle dobiti u Odjeljenju za lokalni razvoj, biznis i poduzetništvo Općine Maglaj, na web stranici Općine Maglaj i na oglasnoj ploči Općine. Također aktivno je radila i na izradi različitih materijala po nalogu načelnika općine i rukovodioca Službe, kao i na pismeno traženje kantonalnih,

federalnih i drugih državnih organa. Podrška razvoju privrede i poduzetništva se odvijala u stalnom istraživanju, predlaganju i stvaranju što povoljnijeg ambijenta za privređivanje, privlačenju investitora, pružanju brze efikasne usluge pravnim i fizičkim licima iz oblasti privrede i razvoja poduzetništva.

U toku 2020. godine organizovana su i održana 2 sastanka Privrednog savjeta općine Maglaj. U izvještanjem periodu od 01.01 do 17.03.2020. godine, do proglašenja pandemije COVID 19, održan je niz sastanaka sa predstavnicima međunarodnih organizacija koje djeluju u BiH i njihovih ambasada, dok je u periodu od 18.03. do 31.12.2020. godine većina sastanaka bila fokusirana na novi način webinar sastanaka. Na jedan novi način nastavljen je kontinuitet rada i saradnja sa domaćim i međunarodnim vladinim i nevladinim organizacijama, prilagođen novim uvjetima i načinu komunikacije, izbjegavajući direktne kontakte zbog ograničenja u sprečavanju širenja zaraze izazvane COVID-19. Bez obzira na novonastalu situaciju izazvanu virusom COVID-19 privredni život u općini Maglaj nije stao, Služba je nastavila ranije započete aktivnosti na prezentaciji poslovnih mogućnosti u općini Maglaj, razvoju ekonomije, NVO sektora i izgradnji i uređenju poslovne infrastrukture. U sklopu razgovora razmatrale su se mogućnosti buduće saradnje Općine Maglaj i međunarodnih organizacija koje djeluju u BiH u svrhu daljeg razvoja općine. Predstavnici ambasada istakli su napredak Općine Maglaj i iskazali spremnost za buduću saradnju i podršku u razvoju. Potrebno je naglasiti podršku ambasade Češke Republike u izradi Elaborata centralnog grijanja grada Maglaj, kao i ambasada Švicarske, Turske i drugih zemalja.

U skladu sa vanrednom situacijom, a u cilju sprečavanja širenja koronavirusa, Federalni štab civilne zaštite 18.03.2020. godine donio je čitav niz naredbi kojima je naredio privremeno obustavljanje pružanja usluga i obustava u radu u djelatnostima na području Federacije BiH. Od ukupnog broja registrovanih privrednih subjekata i radnji za vrijeme "lockdown-a" na području općine, registrovano je ukupno 309 privrednih društava (d.o.o.) sa 405 registrovanih djelatnosti odnosno poslovnih jedinica i 388 registrovane samostalne radnje – obrt. Ukupno 199 privrednih subjekata po naredbi Federalnog štaba civilne zaštite od 18.03.2020. godine imalo je privremenu obustavu rada odnosno pružanja usluga na području Federacije BiH, sa kraćim ili dužim vremenom zabrane rada.

Struktura djelatnosti koje su imale privremene zabrane rada za vrijeme "lockdown"-a je bila:

- ugostiteljstvo - ukupan zbir ugostiteljskih objekata koji nisu radili je 51;
- trgovine - ukupan zbir trgovina koje nisu radile je 50;
- obrt - ukupan zbir obrta koji nisu radili je 60;
- javni prijevoz lica – 3;
- stomatološke ordinacije – 5;
- dječiji vrtići – 3;
- kladionice – 21;
- autoškole – djelatnost vozačkih škola - 6.

Općina Maglaj po objavljenim javnim pozivima viših nivoa vlasti, domaćih i međunarodnih institucija i organizacija u 2020. godini aplicirala je slijedeće projekte:

- aplikacija projekta – Sanacija klizišta – Federalno ministarstvo prostornog uređenja;
- aplikacija projekta – Utopljanje Dom Moševac –Federalno ministarstvo prostornog uređenja;
- implementacija projekta „Pokretanje okolišnog finansiranja u svrhu niskokarbonskog urbanog razvoja“;
- izrađen Akcioni plan održivog upravljanja energijom i prilagođavanja klimatskim promjenama (SECAP) općine Maglaj za period do 2030. godine;
- izrađen godišnji i srednjoročni plan JPP Općine Maglaj;
- realizacija projekta i projektne aplikacije - “Izrada idejnog projekta izgradnje postrojenja za prečišćavanje i tretman otpadnih voda;
- priprema projekta i vođenje aktivnosti „Općina Maglaj, digitalna transformacija za integrisani razvoj – sistemska infrastruktura“ UNDP BiH;
- priprema projekta i vođenje aktivnosti „Općina Maglaj, digitalna transformacija za integrisani razvoj – sistemska infrastruktura“ USAID;

- priprema projekta i vođenje aktivnosti „Općina Maglaj, digitalna transformacija za integrisani razvoj – sistemska infrastruktura“ Ambasada Velike Britanije;
- priprema projekta i vođenje aktivnosti „Općina Maglaj, digitalna transformacija za integrisani razvoj – sistemska infrastruktura“ Ambasada Švicarske;
- aplikacija i vođenje aktivnosti na omogućavanju realizacije rekonstrukcije i obnove trga Alija Izetbegović u Starom gradu – TIKA;
- realizacija projekta i projektne aplikacije - “Izgradnja Gradskog parka” u Maglaju, Fond za zaštitu okoliša FBiH;
- priprema projekta i projektne aplikacije „Izgradnja igrališta Gradskog stadiona u Maglaju“, Federalno ministarstvo kulture i sporta;
- priprema projekta, projektne aplikacije i vođenje aktivnosti “Izgradnja fekalne kanalizacije u naselju Misurići-Maglaj”, Fond za zaštitu okoliša FBiH;
- aplikacija – izgradnja i rekonstrukcija infrastrukturnih objekata, Federalno ministarstvo raseljenih osoba i izbjeglica;
- priprema aplikacije i vođenje aktivnosti projekta Centralnog grijanja – Češka razvojna agencija;
- realizacije projekta “Izgradnja poduzetničke infrastrukture – primarna servisna saobraćajnica, Industrijsko poslovna zona Liješnica”, Federalno ministarstvo razvoja, poduzetništva i obrta;
- realizacije projekta “Izgradnja poduzetničke infrastrukture – primarna servisna saobraćajnica, Industrijsko poslovna zona Liješnica”, Ministarstvo privrede Ze-do kantona;
- učešće u implementaciji projekta PRO Budućnost/USAID;
- učešće i vođenje aktivnosti u projektu Dijaspورا za razvoj D4D;
- “Završetak projekta i projektne aplikacije – „Izmještanje dijela motornog saobraćaja iz gradskog jezgra općine Maglaj“, Fond za zaštitu okoliša FBiH;
- priprema projekta i vođenje aktivnosti “Provođenje mjera energijske efikasnosti na javnoj rasvjeti”;
- priprema projekta i vođenje aktivnosti “Izgradnja fekalne kanalizacije naselja Misurići – općina Maglaj – nastavak izgradnje”;
- priprema projekta i vođenje aktivnosti “Gradski park Maglaj – nastavak izgradnje”;
- priprema projekta i vođenje aktivnosti “Idejno rješenje i glavni projekat regulacije i uređenja korita rijeke Jablanice u Maglaju“;
- priprema projekta i vođenje aktivnosti “Idejno rješenje i glavni projekat regulacije i uređenja korita rijeke Liješnice u Maglaju“, i drugo.

U cilju daljeg razvoja poslovnih zona izvršeno je ažuriranje i priprema podataka za web aplikaciju Federalnog ministarstva razvoja, poduzetništva i obrta, FIPA-e i Best Invest Regionalne razvojne agencije „REZ“ Zenica.

Izvršena je priprema za kandidovanje po javnom pozivu – Nastavak izgradnje primarne servisne saobraćajnice kroz poslovnu zonu Liješnica Maglaj, te je ista odobrena i realizirana uz učešće Federalnog ministarstva razvoja poduzetništva i obrta, Ministarstva privrede ZDK i Općine Maglaj.

Pružena je podrška privrednim subjektima u apliciranju na javne pozive, od strane EU, USAID, Ministarstva privrede Ze-do kantona, kreditna sredstva Federalnog ministarstva razvoja, poduzetništva i obrta i Razvojne banke Federacije BiH i dr.

Shodno smjernicama Zakona o razvojnom planiranju Federacije BiH, tokom cijele godine vršena je koordinacija i organizacija aktivnosti vezane za operacionalizaciju i implementaciju „Strategije razvoja općine Maglaj 2012-2020. godina“. Pripremljen je Akcioni plan implementacije „Strategije razvoja općine Maglaj 2012-2020. godina“ za 2020. godinu. Izrađen je Izvještaj o realizaciji „Strategije razvoja općine Maglaj 2012-2020. godina“ za 2019. godinu. Tokom 2020. godine započet je proces, i intenzivno vršena koordinacija procesa, izrade novog strateškog dokumenta „Strategija razvoja općine Maglaj za period 2021-2027. godina“ i rada Općinskog razvojnog tima, sektorskih i Partnerske/Tematskih grupa. Pripremljeno je i održano 8 sjednica.

2.1. PRIVATNO PODUZETNIŠTVO

U postupku je bilo ukupno 297 predmeta, koji su se odnosili na prijave i odjave djelatnosti, kao i promjene djelatnosti (promjena naziva određene djelatnosti, promjena sjedišta i sl), te uvjerenja, dopisi, obavijesti, upiti i sl.

Ukupan broj prijavljenih djelatnosti je 72, od kojih je 45 iz oblasti zanatskih i ostalih djelatnosti, 9 iz oblasti trgovine, 4 iz oblasti ugostiteljskih objekata i 14 kada je u pitanju saobraćaj. Ukupan broj objavljenih djelatnosti je 49, od čega je 25 iz oblasti zanatskih i ostalih djelatnosti, 9 iz oblasti trgovine, 7 iz oblasti ugostiteljskih objekata i 8 kada je u pitanju saobraćaj.

Kada su u pitanju odjave djelatnosti bilo je slučajeva gdje su određene djelatnosti prestale po sili zakona, smrću, po službenoj dužnosti ili zbog prestanka ispunjavanja uvjeta za obavljanje djelatnosti. Također, kao uzrok stalnih odjava bila je pandemija COVID-19, zbog nedostatka posla ili smanjenog obima poslovanja vršene su stalne ili privremene odjave, gdje to zakonska regulativa dozvoljava. Dakle, u periodu od 01.01. do 31.12.2020. godine osnovane su ukupno 72 radnje (trgovinske, ugostiteljske, zanatske, uslužne i druge), dok je u istom periodu prestao sa radom 49 samostalnih privrednih subjekata.

Kada je riječ o stanju broja registrovanih privrednih subjekata (d.o.o.) i registrovanih djelatnosti u okviru istih u toku 2020. godine ostvareno je povećanje za 18 novih privrednih subjekata i poslovnih jedinica u okviru istih.

U periodu proglašenja pandemije koronavirusa COVID-19 u BiH Služba za privredu, finansije/finansije i razvoj poduzetništva ulagala je maksimalan trud da istraži i poduzme sve mjere u pronalaženju kvalitetnih i pravovremenih informacija i podataka za privredne subjekte, odnosno da pruži adekvatnu i efikasnu uslugu. Služba je aktivno učestvovala u organizovanim webinarima vezano za primjene zakona iz oblasti poduzetništva koji su organizovani za jedinice lokalnih samouprava u Federaciji BiH.

Aktivno smo bili uključeni oko donošenja nove Odluke o komunalnim taksama Općine Maglaj koja je i usvojena na sjednici Općinskog vijeća 30.12.2020. godine, također, učestvovali smo u usvajanju Prijedloga novog Zakona o obrtu i srodnim djelatnostima u Federaciji BiH koji je vraćen u parlamentarnu proceduru i na Obrtničku komoru Federacije BiH da da saglasnost prije konačnog usvajanja u Parlamentu Federacije BiH.

S obzirom da je 2020. godina protekla u znaku pandemije COVID-19 ipak se može se reći da je registracija privrednih subjekata bilo zahvaljujući i Projektu „STARTER 2020“. Na osnovu ovog javnog poziva pružena je podrška registraciji 13 novih biznisa na općini Maglaj:

- Alija Šehić (Liješnica) – D.O.O. - Mašinska obrada metala;
- Aziz Pajvan (Novi Šeher) - Bravarska radnja – Mašinska obrada metala;
- Medina Mašić (Poljice) – Specijalizirana trgovina - Salon namještaja;
- Nedžad Arifagić (Maglaj Grad) - Javni prijevoz roba i tereta;
- Alen Hasaković (Misurići) - Elektro instalaterska radnja;
- Merima Šahman (Bijela Ploča) – Specijalizirana trgovina;
- Elvir Čamić (Liješnica) – Poljoprivreda - Prerada i pakovanje voća i povrća;
- Damir Bradarić (Maglaj Grad) - Ugostiteljstvo;
- Enes Čamić (Liješnica) - Javni prijevoz roba i tereta;
- Amir Kusur (Domislica) - Građevinski obrt;
- Jasmin Hasagić (Ravna) – Taksiprijevoz putnika;
- Alma Husukić (Bijela Ploča) - Frizerski salon;
- Merima Subašić (Liješnica) - Frizerski salon;
- Armina Tumbić (Maglaj Grad) - Ugostiteljstvo.

Zbog ličnih razloga Medina Mašić, Poljice, Maglaj dana 10.12.2020. godine podnijela je zahtjev za sporazumni raskid ranije potpisanog ugovora za podršku pokretanja start-up biznisa i odustala je od zahtjeva za registracijom djelatnosti koja joj je bila odobrena. Svi ostali kandidati su izvršili registracije svojih djelatnosti i Općina Maglaj je istima uredno isplatila novčana sredstva podrške predviđena Budžetom Općine za 2020. godinu.

2.2. POLJOPRIVREDA

Kada je u pitanju poljoprivreda, ukupan broj poljoprivrednih gazdinstava upisanih u RPG i RK na području općine Maglaj u 2020. godini je 1.412 i za 82 više nego u 2019. godini.

Općina Maglaj je u prethodnom periodu izdvajala znatna sredstva u Budžetu/Proračunu koja su bila opredjeljena za razvoj poljoprivrede i uglavnom su bila utrošena za poticaj u primarnoj poljoprivrednoj proizvodnji. Poticajna sredstva su se prvenstveno usmjeravala na poticaj poljoprivrednim gazdinstvima koja su u svom radu postizala značajne rezultate u cilju stvaranja i proširenja obiteljskih gospodarstava i obrta, ali i na poljoprivredne zadruge i udruženja građana poljoprivrednih proizvođača čiji članovi doprinose cjelokupnom razvoju poljoprivrede i razvoju ruralnih područja općine, pokrivanje troškova organizovanog odlaska na poljoprivredne sajmove, program sufinansiranja jesenske i proljetne sjetve i sadnje, kupovini opreme. Ostvarena je i finansijska pomoć JP „Veterinarska stanica“ doo Maglaj u svrhu zdravstvene zaštite životinja, itd.

Poticaji su se izdvajali planski u skladu sa „Programom poticaja u poljoprivrednoj proizvodnji općine Maglaj za 2020. godinu“, usvojenim od strane Općinskog vijeća Maglaj.

Federalno ministarstvo za poljoprivredu, vodoprivredu i šumarstvo dana 10.04.2020. godine raspisalo je Javni poziv za prikupljanje prijave za poticanje proljetne sjetve u Federaciji BiH za 2020. godinu za poljoprivredne proizvođače upisane u Registar poljoprivrednih gazdinstava i/ili Registar klijenata. Predmet Javnog poziva bio je prikupljanje prijave za poticanje proljetne sjetve na teritoriji Federacije Bosne i Hercegovine za 2020. godinu. Od predviđenih sredstava podrške za 172 krajnja korisnika programa pokretanja proizvodnje proljetne sjetve prema listi krajnjih korisnika isplaćen je iznos od 112.680,00 KM. Sredstva su osigurana od strane Federalnog ministarstva poljoprivrede, vodoprivrede i šumarstva, Ministarstva poljoprivrede i vodoprivrede ZDK i Općine Maglaj.

Općina Maglaj je sa međunarodnom organizacijom Catholic Relief Services CRS BiH dana 23.04.2020. godine potpisala Ugovor o udruživanju sredstava za projekat “Interventna pomoć za poljoprivrednu proizvodnju porodicama pogođenima COVID-19“. Ukupna vrijednost planirane ekonomske i socijalne pomoći za 106 korisnika po provedenoj proceduri iznosio je 40.258,80 KM od kojih je CRS kroz Projekat osigurao 31.258,80 KM a Općina Maglaj iznos od 9.000,00 KM. Turska agencija za razvoj TIKa osigurala je 50 paketa sadnog materijala za lica iz kategorije socijalno ugroženih.

Općina Maglaj 06.04.2020. godine raspisala je Javni poziv za podsticanje razvoja biljne proizvodnje. Predmet Javnog poziva bila je dodjela podsticajnih sredstava za poljoprivredne proizvođače s područja općine Maglaj u oblasti biljne proizvodnje. Pravo učešća na Javnom pozivu imali su poljoprivredni proizvođači koji imaju zasijanu biljnu proizvodnju na području općine Maglaj. Na osnovu predanih zahtjeva poljoprivrednih proizvođača sa područja općine Maglaj, utvrđeno je da je prijavljeno 411 korisnika po uredno podnesenim prijavama, tako da je Općina Maglaj isplatila po korisniku 195,00 KM.

Federalno ministarstvo za poljoprivredu, vodoprivredu i šumarstvo dana 25.09.2020. godine raspisalo je Javni poziv za prikupljanje prijave za poticanje jesenske sjetve u Federaciji BiH za 2020. godinu za poljoprivredne proizvođače upisane u Registar poljoprivrednih gazdinstava i/ili Registar klijenata. Pravo učešća po ovom Javnom pozivu imali su Klijenti – Jedinice lokalne samouprave gradovi/općine Federacije BiH koje sufinansiraju programe poticanja jesenske sjetve. Prihvatljivi su troškovi nabavke: sjemena, mineralnih gnojiva i zaštitnih sredstava, za proizvodnju: pšenice, raži i ječma. Na osnovu pristiglih prijava od poljoprivrednih proizvođača koji su izrazili interes za jesenskom sjetvom i pregleda prijavljenih površina, Općina Maglaj je sačinila preliminarnu listu od 102 potencijalna korisnika sredstava za poticanje jesenske sjetve i istu dostavila Federalnom ministarstvu poljoprivrede, vodoprivrede i šumarstva.

U međuvremenu Općina Maglaj je sa Federalnim ministarstvom potpisala Sporazum o realizaciji programa poticanja jesenske sjetve, kojim se uređuju međusobni odnosi, nadležnosti i visina poticaja. Izvršen je obilazak terena, prikupljena dokumentacija – fakture i drugi dokazi koje dostavljaju poljoprivredni proizvođači kao dokaz o zasijanim površinama. Nakon čega je utvrđen konačan spisak korisnika programa podrške jesenske sjetve i koji je dostavljen Federalnom ministarstvu poljoprivrede, vodoprivrede i šumarstva. Od predviđenih sredstava podrške za 92 krajnja korisnika programa pokretanja proizvodnje jesenske sjetve prema listi krajnjih korisnika isplaćen je iznos od 44.201,40 KM. Sredstva su osigurana po Sporazumu u omjeru 80% Federalno ministarstvo poljoprivrede, vodoprivrede i šumarstva u i 20% klijent Općina Maglaj.

2.2.1. PODRŠKA POLJOPRIVREDNOJ PROIZVODNJI NA OPĆINI MAGLAJ U 2020. GODINI

Planirana sredstva iz Budžeta/Proračuna Općine Maglaj u 2020. godini za mjere poticaja u poljoprivredi iznosila su 280.000,00 KM. Zaključno sa 31.12.2020. godine iz Budžeta/Proračuna Općine Maglaj, iz sredstava Općine i namjenskih sredstava, ukupno je proizvođačima sa područja općine Maglaj za razvoj poljoprivrede isplaćeno 298.833,38 KM.

Navedena sredstva su obuhvatala slijedeće:

- pčelarstvo iznos od 14.546,40 KM;
- peradrastvo iznos od 2.178,00 KM;
- uzgoj krastavca kornišona iznos od 2.229,00 KM;
- plastenička proizvodnja iznos od 12.155,40 KM;
- proizvodnja jagodičastog voća (maline) iznos od 5.896,58 KM;
- aronija i borovnica iznos od 1.467,70 KM;
- silažni i merkantilni kukuruz iznos od 2.842,12 KM;
- sredstva poticaja kod proizvodnje sirovog kravljeg mlijeka po spiskovima organizovanih otkupljiivača za četiri kvartala 2020. godine iznosi 64.693,18 KM;
- finansiranje podsticanje razvoja biljne proizvodnje od Federalnog ministarstva finansija (za 411 korisnika isplaćeno je po 195,00 KM), iznos od 80.145,00 KM;
- finansiranje proljetne sjetve po Javnom pozivu od FMPVŠ iznos od 112.680,00 KM.

Pored navedenih iznosa podrške od 298.833,38 KM isplaćenih iz Budžeta/Proračuna Općine Maglaj, Općina je putem resorne Službe, davala podršku poljoprivrednim proizvođačima i u prijavama na javne pozive i programe podrške viših nivoa vlasti u 2020. godini, čime su osigurana dodatna sredstva:

- 305.164,34 KM – Federano ministarstvo za poljoprivredu, šumarstvo i vodoprivredu (izuzev proljetne sjetve koja je isplaćena putem Budžeta/Proračuna Općine Maglaj);
- 127.905,90 KM – Ministarstvo za poljoprivredu, šumarstvo i vodoprivredu ZDK (izuzev proljetne sjetve koja je isplaćena putem Budžeta/Proračuna Općine Maglaj);
- 24.000,00 KM - Ministarstvo za boračka pitanja, samozapošljavanje u poljoprivredi,
- 40.258,80 KM – CRS BiH.

Dakle, na ovaj način je realizovano dodatnih 497.329,04 KM novčane podrške za poljoprivredne proizvođače sa područja općine Maglaj, kao i čitav niz drugih (naprijed navedenih projekata) koji su podrazumjevali direktnu podršku poljoprivrednim proizvođačima sa naše općine.

Ukupan iznos svih novčanih podrški za poljoprivrednu proizvodnju na području općine Maglaj u 2020. godini iznosio je 796.162,42 KM.

2.3. BUDŽET/PRORAČUN OPĆINE

Tokom 2020. godine u postupku rješavanja su bile slijedeće aktivnosti: razne obavijesti, instrukcije za uplatu, uvjerenja, odgovori na traženje, povrat računa, odluke o visini plaće i toplog obroka, odluke o naknadama članovima Općinske izborne komisije, odluke o broju radnih sati, refundacija sredstava (KU ŠPD), zahtjevi za refundaciju bolovanja, zahtjevi za kredit, dostava podataka pravobraniocu, izdavanje potvrda i ovjere obrazaca za kredit, rješenja za povrat sredstava, zahtjevi za prenamjenu doznačenih novčanih sredstava prema kantonalnim i federalnim ministarstvima, povrat računa, i sl.

U navedenom izvještajnom periodu u Odjeljenju za budžet radili su se slijedeći poslovi i zadaci:

- kontiranje usvojenog Budžeta za 2020. godinu i unos istog u bazu podataka finansijskog programa;
- izrada Operativnog kalendara za izradu i donošenje Budžeta Općine Maglaj za 2021. godinu;
- izrada Godišnjeg obračuna Budžeta Općine Maglaj za 2019. godinu;
- izrada Izvještaja o izvršenju Budžeta Općine Maglaj za 2019. godinu za načelnika općine i Općinsko vijeće Maglaj;
- finansijska mjesečna kontrola naplate javnih prihoda i usaglašavanje sa Mjesečnim izvještajem B-2;
- izrada dnevnih izvještaja novčanih stanja na depozitnom i transakcijskim računima Budžeta Općine Maglaj;

- izrada mjesečnih izvještaja o prilivu namjenskih sredstava na ime naknada za upotrebu cesta od pravnih i fizičkih lica;
- izrada tromjesečnih periodičnih izvještaja za Ministarstvo finansija Ze-do kantona, koji podrazumijevaju 11 obrazaca finansijskog izvještavanja;
- izrada mjesečnih i periodičnih izvještaja o izvršenju Budžeta Općine Maglaj za načelnika općine;
- izrada izjave o fiskalnoj odgovornosti i prateće dokumentacije;
- izrada periodičnih finansijskih izvještaja Budžeta Općine Maglaj za period 01.01.-31.3.2020. godine;
- izrada mjesečnih Izvještaja o naplaćenim prihodima Budžeta Općine Maglaj - Obrazac broj 3. za Poreznu upravu - Ispostava Maglaj, Ministarstvo finansija Ze-do kantona i Kantonalni porezni ured Zenica (Pravilnik o načinu uplate javnih prihoda Budžeta i vanbudžetskih fondova na teritoriji FBiH);
- smjernice ekonomske i fiskalne politike Općine Maglaj za period 2021-2023. godina;
- izrada prijedloga Odluke o privremenoj izmjeni i dopuni Odluke o komunalnim taksama i tarifi taksa na istaknutu firmu i drugih komunalnih taksa za fizička i pravna lica čiji je rad zabranjen naredbama Federalnog štaba civilne zaštite;
- izrada Odluke o izmjenama i dopunama Budžeta/Proračuna Općine Maglaj za 2020.godinu i kontiranje u glavnu knjigu Budžeta Općine Maglaj;
- izrada Dokumenta okvirnog budžeta (DOB) za period 2021 - 2023. godina;
- izrada Periodičnih finansijskih izvještaja Budžeta za period 01.01.- 30.06.2020. godine;
- izrada Izvještaja o izvršenju Budžeta Općine Maglaj za period 01.01.- 30.06.2020. godine;
- izrada i dostava prijedloga zahtjeva za finansijskim sredstvima budžetskim korisnicima za Budžet 2020. godine;
- izrada periodičnih finansijskih izvještaja Budžeta Općine Maglaj za period 01.01.- 30.09.2020. godine;
- izrada radnog materijala Bužeta Općine Maglaj za 2021. godinu;
- izrada sedmičnih ili dnevnih planova za raspored novčanih sredstava po osnovu usvojenog Budžeta za tekuću fiskalnu godinu, kao i ranije stvorenih neizmirenih obaveza;
- izrada informacija o stanju duga, kvartalno izvještavanje Federalnog ministarstva finansija;
- praćenje propisa iz oblasti javnih finansija;
- izrada rješenja za povrat više ili pogrešno uplaćenih sredstava na račun Budžeta Općine Maglaj;
- izrada potvrda, odnosno uvjerenja za pravna i fizička lica o stanju obaveza istih po osnovu javnih prihoda koji po zakonu pripadaju Općini Maglaj;
- izrada Odluka o odobravanju novčanih sredstava iz domena Službe za privredu, finansije/financije i razvoj poduzetništva;
- izvršavanje ostalih poslova i radnih zadataka po zahtjevu načelnika općine i resornog rukovodioca službe.

Također, obavljani su i poslovi pripremanja, kontiranja i knjiženja kompletne finansijske dokumentacije budžeta Općine Maglaj (izvodi svih transakcijskih računa, ulazne fakture, izlazne fakture, obračun dodatnih primanja, blagajna, obračun plaća i eventualna ostala finansijska dokumentacija), kao i usaglašavanje stanja sa pojedinim poslovnim subjektima, davanje potrebnih podataka za sastavljanje izvještaja, pravdanje namjenski doznačenih sredstava i dr.

Početakom 2019. godine u Općini Maglaj uvedeno je Elektronsko bankarstvo, što je naročito dalo pozitivne rezultate u 2020. godini, omogućilo istovremenu uštedu i vremena i novca u vrijeme pandemije korona virusa. Finansijske transakcije se mogu obavljati neovisno o radnom vremenu banke i uz znatno niže naknade. Na ovaj način se ima bolji uvid u stanje i dnevne promjene na računu, te preuzeti izvod od prethodnog dana.

3. SLUŽBA ZA URBANIZAM, GEODETSKE I IMOVINSKO – PRAVNE POSLOVE

Služba za urbanizam, geodetske i imovinsko pravne poslove kao sastavni dio jedinstvenog organa uprave Općine Maglaj, u skladu sa Odlukom o organizovanju/organiziranju općinskih službi za upravu Općine Maglaj broj 02-05-175/05 od 08.02.2005. godine u skladu sa čl.7. obavlja slijedeće poslove: upravni i stručni poslovi koji se odnose na izradu i primjenu urbanističko-planske dokumentacije, poslove građenja i obnove, komunalne infrastrukture, stambene poslove, korištenje privrednih resursa, davanje stručnih mišljenja o nacrtima propisa iz oblasti prostornog uređenja i planiranja i predlaganje mjera za otklanjanje uočenih nedostataka, izgradnja infrastrukturnih i drugih objekata, javne nabavke, vođenje upravnog postupka i rješavanje u prvostepenom postupku, praćenje stanja u oblasti građenja, pregled i ovjera investiciono tehničke dokumentacije, postupci izdavanja odobrenja za građenje, nadzor i kontrola izgrađenih objekata, nadzor nad izvođenjem radova na građevinskim objektima i putnoj infrastrukturi.

Uspostavljanje, izrada i održavanje premjera katastra zemljišta, katastra nekretnina i svojinsko pravne i druge stvarno pravne odnose na nekretninama, primjena propisa iz oblasti katastra zemljišta, priprema Odluka i drugih općih akata, vršenje geodetskog snimanja poznatim metodama i vođenje zapisnika o izvršenom snimanju, vođenje postupaka dodjele ne izgrađenog građevinskog zemljišta i drugi imovinsko pravni poslovi.

U izvještajnom periodu Služba je nastavila nedovršene aktivnosti iz 2019. godine kao i aktivnosti koje su planirane za 2020. godinu. U protekloj godini posebne aktivnosti u radu Službe bile su na slijedećim poslovima:

- prijem stranaka, davanje potrebnih obavještenja i uputstava za pokretanje postupaka izdavanja potrebnih akata;
- aktivnosti na izradi planske dokumentacije i to: Prostorni plan Općine i regulacioni planovi Općine;
- provođenje prostorno planske dokumentacije;
- poslovi na izradi Kantonalnog ekološkog akcionog plana Ze-DO Kantona;
- izdavanje urbanističke saglasnosti, odobrenja za građenje, upotrebne dozvole, rješenja kojim je utvrđena naknada za uređenje građevinskog zemljišta i pogodnost (renta), sa svim potrebnim saglasnostima od nadležnih javnih preduzeća i institucija;
- učestvovanje u programu rekonstrukcije objekata i infrastrukture, kao i izgradnje novih objekata i vođenje investicija;
- izrada programa redovnog i zimskog održavanja putne infrastrukture, i praćenje realizacije na istim;
- izrada Programa održavanja javne higijene i gradskog zelenila i praćenje utroška sredstava na realizaciji projekta kao i provođenje Odluke o komunalnom redu, sanitarno higijenskim mjerama i zbrinjavanje pasa lualica na području općine Maglaj;
- izdavanje rješenja za komunalnu naknadu i rješenja o korištenju javne površine u svrhu postavljanja ljetnih bašti i druge namjene,
- provođenje postupaka javne nabavke u skladu sa Zakonom o javnoj nabavci BiH, izrada prijedloga plana javne nabavke, donošenje odluka o pokretanju postupka javne nabavke, objava obavještenja na web stranici javne nabavke, izrada zapisnika, izrada odluka o odabiru najpovoljnije ponude, praćenje realizacije, izrada obrada po žalbama i drugih podnesaka, postupanje po rješenjima Ureda za žalbe;
- izrada ugovora o izvođenju radova, o vršenju stručno tehničkog nadzora, izradi projektne dokumentacije i drugi ugovori po potrebi Službe;
- poslovi vezani za pripremanje nacrta i prijedloga odluka za Općinsko vijeće, odnosno usklađivanje akata sa zakonima iz oblasti prostornog uređenja i građenja i komunalne djelatnosti, i drugih prijedloga odluka iz nadležnosti Službe;
- nastavak postupaka koji se odnose na legalizaciju bespravno proširenih poslovnih prostora, koji postupci su pokrenuti u skladu sa Zakonom o prostornom uređenju i građenju "Službene Novine ZE-DO Kantona broj 01/14), a prekinuti iz razloga harmonizacije podataka iz katarsta i gruntovnice;
- izrada Uvjerenja i drugih akata o kojima Služba vodi službenu evidenciju;
- praćenje poziva donatora i domaćih institucija za blagovremeno apliciranje projekata, u saradnji sa drugim službama, u smislu pružanja tehničke podrške i kandidovanje projekata za izradu projektne tehničke dokumentacije za infrastrukturne objekte;

- nastavak aktivnosti u projektu harmonizacije i angažovanje u novoj fazi projekta harmonizacije, pregled i potpisivanje prijavnih listova i nastavak praćenja projekta nakon unosa podataka u zemljišnu knjigu Općinskog suda u Zavidovićima, Odjeljenje u Maglaju;
- aktivnosti na uspostavi adresnog registra, uspostava digitalnog arhiva, prijem i usluživanje stranaka (uvid u planove, identifikacije i sl.), izdavanje dokumenata iz evidencije (prepisi posjedovnih listova, kopije katastarskih planova, razna uvjerenja), prijem, provjera i provođenje ugovora, rješenja o nasljeđivanju itd. ;
- terenski rad i provođenje zahtjeva stranaka za cijepanje parcela, uplanjenje objekata i sl. kroz program „katastar.ba“, usklađenje parcela, iskolčavanje objekata;
- stalni proces digitalizacije katastarskih planova za područja koja nisu u potpunosti digitalizovana, i gdje se ukaže potreba prilikom redovnog rada;
- rješavanje predmeta iz djelokruga imovinsko-pravne službe, provođenje postupaka, eksproprijacije, raspravljanje uzurpacije - stari predmeti, formiranje građ. parcela, provođenje postupka po zahtjevima za prodaju općinskog zemljišta, zamjena i drugi oblici raspolaganja nekretninama u vlasništvu općine Maglaj, rješavanje po žalbama, obračun rente, provođenje postupka po zahtjevima za deeksprijaciju zemljišta, uspostavljanje prava služnosti na zemljištu kojim upravlja općina Maglaj, uređenje odnosno pokazivanje međe i dijelom predmeti iz nadležnosti katastra-provođenje promjena u kat. operatu, ispravke greški u kat.operatu i drugo.

3.1. ODJELJENJE ZA URBANIZAM

U Odjeljenju za urbanizam su obuhvaćeni poslovi vezani za izradu i provođenje prostorno planske dokumentacije, izdavanje urbanističke saglasnosti i odobrenja za građenje, poslovi infrastrukture i investicioni radovi na izgradnji novih objekata, poslovi stambene oblasti, poslovi javne nabavke.

U protekloj 2020. godini nastavljeni su ugovoreni i pokrenuti novi poslovi na izmjenama i dopunama prostorno planske dokumentacije. Rađena su Stručna mišljenja i Stručne obrade dopisa iz federalnih i kantonalnih ministarstava.

U ovom periodu nastavljen je rad na pokrenutim postupcima za izmjene Regulacionih planova kao i donesenim Odlukama o pristupanju izmjene u 2020. godini. Prema donesenim odlukama Općinskog vijeća Maglaj o pristupanju izmjene regulacionih planova („Centar Maglaj - sjeverni dio“, „Centar Maglaj – južni dio, Regulacioni plan „Omerdino polje „, i Regulacioni plan „Kosova“), i to po zahtjevima: Delić Ramiza, DOO „Džino“ Maglaj, MUP Zenica Uprava policije PUIPS Maglaj, Džinić Ferid i Džinić Sejad, Mulalić Naser, Zukić Majde i Ustalić Salima, DOO „Euro Meat“ Maglaj, DOO „Džino Petrol“ Maglaj, provedeni su postupci u skladu sa Zakonom o prostornom uređenju i građenju Zeničko-dobojskog kantona i Zakonom o javnim nabavkama BiH, odabrani nosioci izrade za određene zahtjeve, te donesene Odluke o usvajanju Nacrta izmjena Regulacionih planova za pokrenute određene postupke.

Kada je u pitanju izrada novog Prostornog plana nosiocu izrade Kantonalnom zavodu za urbanizam i prostorno uređenje Zenica, dostavljen je stav i mišljenje na urađeni dokument sa dokumentacijom radnih grupa. Nosioc izrade dokumenta je Općini Maglaj kao nosiocu pripreme dostavio dokument prostorne osnove koji je dostavljen svim članovima Savjeta plana, a konačan stav je dostavljen Nosiocu izrade za izradu Prednacrta dokumenta.

Odjeljenje je opsluživalo i odjel za imovinsko-pravne odnose u postupcima rješavanja imovinsko-pravnih odnosa, formiranja građevinskih parcela, javne prodaje nekretnina i to u 15 postupka u kojima je dato stručno mišljenje i izjašnjenje.

Odredbama zakona o prostornom uređenju i građenju ("Službene novine ZE-DO Kantona"broj 01/14), su podjeljene nadležnosti izdavanja urbanističke saglasnosti između kantona i [opštine](#), [stim](#) da je postupak izdavanja urbanističke saglasnosti uslovljen pribavljanjem saglasnosti javnih preduzeća i drugih nadležnih institucija od kojih zavisi i mogućnost izdavanja urbanističke saglasnosti.

Svi zainteresovani investitori koji traže informacije o planiranoj izgradnji iste dobiju u Službi, sa svim podacima o namjeni, spratnosti, građevinskim i regulacionim linijama, proceduri koja treba biti zadovoljena, saglasnostima koje je potrebno pribaviti i od kojih organa, službi i preduzeća, približan iznos troškova izdavanja potrebnih saglasnosti, urbanističke i građevinske dozvole i iznos troškova pojedinih

naknada, a za područja obuhvaćena detaljnim planskim dokumentom, na traženje investitora se dostavlja izvod iz grafičkog prikaza plana.

Sve potrebne saglasnosti u postupku izdavanja lokacijske informacije i urbanističke saglasnosti, za investitore pribavlja Služba koja pismeno i usmeno kontaktira sa ministarstvima, agencijama, preduzećima i službama, a investitore obavještava o potrebi prilaganja određene dokumentacije u tim postupcima.

Potrebno je napomenuti da se konstatno pojavljuju problemi pribavljanja potrebnih saglasnosti, odnosno uslova za građenje preduzeća, ustanova, ministarstava i direkcija. Često se dešava da tražene saglasnosti ne stižu u propisanim rokovima, posebno poljoprivredna saglasnost.

Najveći problemi se javljaju u dijelu novošeherskog područja zbog nepostojanja zemljišne knjige, tako da je jedan dio zahtjeva sa ovog područja trenutno u mirovanju, mada i ovaj problem je sve manji uključivanjem ovog područja u projekat uspostave nove Zemljišne knjige (harmonizacija).

Iz naprijed navedenog se može zaključiti da su općine, bez obzira na nadležnost izdavanja urbanističke saglasnosti, u potpunosti ovisne o ishodu saglasnosti koje se traže na osnovu drugih zakona i propisa, bez mogućnosti bilo kakvog uticaja na ove ishode.

U postupku izdavanja rješenja o urbanističkoj saglasnosti u 2020. godini je riješen 121 zahtjev, 43 je neriješeno iz 2020 godine + 107 iz prethodnih godina.

U izvještajnom periodu na poslovima građenja, tehničkih poslova i dokumentacije, većina poslova se odnosila na rješavanja predmeta iz oblasti izdavanja odobrenja za građenje (građevinskih dozvola) za različite vrste objekata: stambenih, poslovnih i poslovno – stambenih, proizvodnih, ekonomskih i drugih objekata, zatim izdavanja odobrenja za građenje javnih objekata kao i za objekte javne infrastrukture (vodovodi, kanalizacije, gradske ulice, mostovi, obaloutvrde), te za objekte koji su rekonstruisani nakon klizišta, kao i obračun naknada za uređenje građevinskog zemljišta i pogodnost (renta).

U ovom periodu urađeno je ukupno 75 odobrenja za građenje, neriješeno 4, rješenja kojima je utvrđena naknada za uređenje građevinskog zemljišta 11 i rentu 12, kao i rješenja o upotrebi objekata ukupno 22.

U proteklom periodu Služba je obavljala i poslove koji su u skladu sa Zakonom o javnim nabavkama BiH. Poslovi se odnose na donošenje prijedloga Plana javne nabavke za tekuću godinu, donošenje Odluke o pokretanju postupka javne nabavke, (ukupno 74 Odluka o pokretanju postupka javne nabavke koje se odnose na postupke: otvoreni postupak, konkurentski zahtjev za dostavljanje ponuda, direktni sporazum i pregovarački postupak), objavu javne nabavke na web stranici javne nabavke, pripremanje dokumentacije kao što je tenderska dokumentacija, otvoreni postupak, konkurentski zahtjev, anex-i, učestvovanje u radu Komisije koja je formirana u skladu sa Zakonom o javnim nabavkama BiH, učestvovanje u postupku za odabir najpovoljnijeg ponuđača, izrada zapisnika o odabiru najpovoljnije ponude (ukupno 74 zapisnika o odabiru), odluka o odabiru najpovoljnije ponude (ukupno je urađeno 74), odluka po prigovoru (ukupno je urađeno 2 odluke po prigovoru), kao i obrade predmeta po žalbama u postupku javne nabavke, kao i kompletiranje dokumentacije i slanje Uredu za razmatranje žalbi).

Nakon okončanja postupka javne nabavke, i pravosnažnosti Odluke o izboru najpovoljnije ponude, urađeni su Ugovori o izvođenju radova sa najpovoljnijim ponuđačima i to: 21 ugovor za izvođenje radova, 3 ugovora o izradi projektne dokumentacije, 15 ugovora o obavljanju usluga, kao i 3 ugovora o vršenju stručno-tehničkog nadzora. Također, nakon provedenog postupka urađena su i 2 ugovora o izradi izmjena i dopuna prostorno-planske dokumentacije. Vođena je evidencija vezano za zaključene ugovore, kao i praćenje realizacije istih za obezbjeđena finansijska sredstva.

Služba je provele slijedeće postupke javne nabavke:

Otvoreni postupak	Konkurentski zahtjev	Direktni sporazum	Pregovarački postupak	Poništenih konkurentskih zahtjeva	Razno
15	6	52	1	-	
Ugovor o izvođenju radova i ostali radovi	Ugovor o stručno tehničkom nadzoru	Ugovor o izradi planske dokumentacije	Ugovor o izradi projektne dokumentacije	Ugovor o nabavci usluga	Ugovor o nabavci roba
28	3	2	3	15	23

U ovom periodu urađeno je 29 rješenja o korištenju javne površine i 12 ugovora o zakupu, Ugovor o održavanju javne higijene i zimskom održavanju, Ugovor o održavanju gradskog zelenila, Ugovor sa Udruženjem građana Pas, Ugovor o donaciji HTZ opreme zaključen sa KJD Maglaj, Ugovor o učešću neformalne grupe građana „Fontana Maglaj“ u izgradnji dijela fontane u Gradskom parku u Maglaju zaključen sa Neformalnom grupom građana.

Također, rađena su rješenja o utvrđivanju visine komunalne naknade za sve vlasnike i korisnike poslovnih prostora na području općine Maglaj, kao i postupci po žalbama obveznika, obrada predmeta za drugostepeni organ, kao i obrada predmeta nakon uložene tužbe, Kantonalnom sudu Zenica.

U 2020. godini urađeno je ukupno 329 rješenja za komunalnu naknadu za fizička i pravna lica, otpremljeno obveznicima i prati se realizacija po istim, odgovori na žalbe 42, odluka 7, poništenje rješenja 6, protokola 2, zaključaka o obustavi postupka 27, 15 rješenja u ponovljenom postupku i 107 zahtjev za izdavanje uvjerenja o posjedovanju građevinskih dozvola i urbanističkih saglasnosti, uvjerenja o izgrađenosti zemljišta i uvjerenja o etažiranju objekata i 267 drugih dopisa, od čega je riješeno 218, neriješeno 42 i u postupku 7.

U poslovima i obavezama Službe su realizovani i zadaci na održavanju javne higijene u gradu koje obavlja KJD Maglaj, te stanje gradskih ulica i svih javnih površina uključujući i održavanje zelenila. U kontinuitetu smo vršili kontrolu i praćenje poslove koje obavlja KJD i provjeru na terenu izvršenih radova, te ovjeru ispostavljenih mjesečnih situacija i faktura na osnovu zaključenih ugovora.

Vršena je kontrola ispravnosti sistema javne rasvjete kako na gradskim ulicama tako i na cijelom području općine Maglaj. Na osnovu prijave kvarova i pregleda na terenu vršene su zamjene sijalica i drugog potrošnog materijala, ugradnja novih LED svjetiljki, novih stubova i drugog potrebnog materijala tamo gdje je bila potreba za ugradnjom, i na osnovu potpisanih ugovora.

Vršen je nadzor nad realizacijom projekta zbrinjavanja pasa lualica i sa Udruženjem građana „Pas“ Tešanj, uz prethodno sačinjavanje ugovora o sufinansiranju Projekta, vođena je i kontrola izvršenih usluga.

U Službi su obavljani poslovi vršenja nadzora i snimanje stanja puteva, sačinjavanje predmjera radova i kontrolisanje izvođenje radova i ovjera situacija za putne pravce koji su sanirani na području Općine Maglaj. Rješavani su zahtjevi iz oblasti koje se odnose na rješavanje problema putne komunikacije (sanacija i rekonstrukcija puteva), probleme kanalizacije, održavanje puteva i drugih zahtjeva za održavnje i sanaciju infrastrukturnih objekata. Realizovani su slijedeći projekti:

- Izvođenje radova na izgradnji servisne saobraćajnice Poslovne zone Liješnica 2;
- Sanacija i rekonstrukcija lokalnog puta Borik - Gračin Brijeg-Lot-1;
- Sanacija i rekonstrukcija lokalnog puta u Gornjoj Kosovi, Husići-Šljivice;
- Izvođenje radova na sanaciji i rekonstrukciji lokalnog puta u Crnojevićima;
- Dodatni radovi na sanaciji i rekonstrukciji lokalnog puta u Crnojevićima;
- Uređenje platoa ispred mjesnog groblja Crnojevići;
- Održavanje i rekonstrukcija lokalnih cesta i gradskih ulica sa saobraćajnom signalizacijom na području općine Maglaj;
- Sanacija i rekonstrukcija postojećih cesta i asfaltnih površina na području općine Maglaj u 2020. godini;
- Izvođenje radova na izgradnji Gradskog parka - nastavak radova;
- Izvođenje radova na sanaciji lokalnog puta Ulišnjak-Straište i Liješnica-Fojnica u Općini Maglaj;
- Sanacija drvenog mosta na rijeci Megari;
- Izvođenje radova na izgradnji dijela I faze Gradskog groblja Borik;
- Izgradnja servisne saobraćajnice br.1 (a-1) u Poslovnoj zoni Liješnica;
- Izvođenje radova na vanjskom uređenju lokacijskog obuhvata iz ul. Sulejmana Omerovića, Aleje ljljljana i Viteške;
- Izvođenje radova na rekonstrukciji vodozahvata u naselju Domislica;
- Sanacija odrona na lokalnom putu Jandrošac;
- Sanacija dijela kanalizacione mreže u naselju Čakalovac;

- Sanacija, rekonstrukcija i izgradnja lokalnih puteva, gradskih ulica i trotoara i sl., i isporuka materijala na području općine Maglaj u 2020. godini;
- Sanacija i rekonstrukcija mosta preko rijeke Liješnice, općina Maglaj;
- Usluge zimskog održavanja lokalnih i nekategorisanih cesta na području općine Maglaj za 2020/2021. godinu;
- Izgradnja fekalne kanalizacije u naselju Misurići (nastavak izgradnje);
- Sanacija mosta u MZ Donji Rakovac, Josipovići;
- Dodatni radovi na izgradnji fekalne kanalizacije u naselju Misurići;
- Izgradnja kamene obaloutvrde na ušću potoka Krbeši u rijeku Liješnicu.

Kada su u pitanju projektna dokumentacija i stručno tehnički nadzor realizovano je sljedeće:

- Izrada Glavnog projekta regulacije korita i ušća rijeke Jablanice i Liješnice;
- Izrada Energetskog audita za objekat Društvenog doma MZ Moševac;
- Izrada Glavnog projekta mosta na rijeci Megari;
- Usluge stručno-tehničkog nadzora-infrastruktura;
- Vršenje stručno-tehničkog nadzora nad izvođenjem radova na izgradnji dijela servisne saobraćajnice broj "2" u Poslovnoj zoni Liješnica;
- Stručno-tehnički nadzor nad izvođenjem radova na izgradnji fekalne kanalizacije u naselju Misurići.

Pored svega navedenog realizovani su i sljedeći ugovori:

- Radovi na uklanjanju stabala sa dijela planiranog terena za pomoćni stadion pri Gradskom stadionu u Maglaju;
- Sanacija svlačionica Gradskog stadiona u Maglaju;
- Usluge sječe stabala;
- Usluge popravke semafora;
- Ugovor o redovnom održavanju javne higijene i zimskom održavanju ulica i javnih površina u gradu Maglaju i Novom Šeheru za 2020.godine;
- Ugovor o sufinansiranju projekta zbrinjavanja pasa lutalica i napuštenih pasa u na području općine Maglaj za 2020.godinu;
- Ugovor o održavanju gradskog zelenila, mokrom održavanju javnih površina i realizaciji mini projekata iz oblasti zaštite životne sredine.

Broj zaprimljenih, riješenih i neriješenih predmeta u postupku u izvještajnom periodu od 01.01.2020-31.12.2020. godine prikazan je u tabeli:

Preneseno iz prethodnih godina	Broj zaprimljenih predmeta u izvještajnom periodu	RJEŠAVANJE PREDMETA		
		Riješeno	Neriješeno	U postupku
213	1.040	1.030	93	130
UKUPNO	1.253			

3.2. ODJELJENJE ZA GEODETSKE I IMOVINSKO PRAVNE POSLOVE

U Odjeljenju za geodetske i imovinsko pravne poslove radi se na rješavanju predmeta u postupku održavanja katastra zemljišta, usklađivanja parcela, izdavanja posjedovnih listova, kopija katastarskog plana, uvjerenja o imovnom stanju, rješavanju imovinsko pravnih poslova, a sve u skladu sa Zakonom o premjeru i katastru zemljišta, Zakonom o upravnom postupku primjenjujući materijalno pravne propise na konkretne zahtjeve kao Zakon o građevinskom zemljištu FBiH, te rješavanje po Zakonu o uzurpacijama, Zakona o eksproprijaciji, Zakon o stvarnim pravima i drugim propisima iz imovinsko pravne oblasti.

U navedenom periodu Odjeljenje za geodetske poslove je uradilo sljedeće aktivnosti:

No:	Vrsta predmeta	Ukupno	Završenih	U postupku
1	Prepisi/ izvodi iz posjedovnog lista	2470	2470	
2	Kopija katastarskog plana	465	465	
3	Uvjerenja o imovnom stanju	340	340	
4	Ispis više dokumenata	11	11	
5	Prijave terenske	380	318	62
6	Prijave kancelarijske	762	735	27
7	Žalbe na rješenja	1	0	1
8	Izrada „A“ prijavnog lista	186	186	
9	Akti po kojima se ne vodi upravni postupak (ZK ured, sudovi i dr.)	85	85	
10	Prijem stranaka, izviđanje na planovima	cca 900		
11	Izlazak na teren za potrebe IPS-a	40	32	
12	Izlazak na teren radi iskolčavanja i provjera	25	25	
13	Otpremljena pošta	2136	2136	

Pored navedenog, prisutne su stalne aktivnosti na zaostalim složenim predmetima iz projekta Harmonizacije iz prethodnih godina za k.o. Maglaj, Moševac, Jablanica, Liješnica, Ulišnjak, Novi Šeher i Mladoševica, po zahtjeve zemljišno-knjižnog ureda Maglaj vezano za identifikaciju i pravne osnove upisa parcela u katastarski operat.

U 2020. godini započeta je „Harmonizacija“ za k.o. Domislicu, Čobe, Strupinu i Radojčice. U postupku „Harmonizacije“ za k.o. Domislicu, Čobe i Strupinu tj. uspostave nove zemljišne knjige izvršeno je štampanje, pregled i ovjera 1185 prijavna lista „A“, a za k.o. Radojčici u postupku zamjene stare zemljišne knjige pregledano je i potpisano 373 prijavna lista „A“. Za potrebe projekta Harmonizacija“ za k.o. Domislicu, Čobe, Strupinu i Radojčici izvršeno je skeniranje arhive za potrebe ovog projekta kao i uspostave digitalnog arhiva. Skenirano je cca 9000 arhivskih dokumenata.

Krajem 2020. godine potpisan je sporazum sa Federalnom upravom za geodetske i imovinsko-pravne poslove Sarajevo o zajedničkoj implementaciji aktivnosti na sistematskom ažuriranju i usuglašavanju podataka o nekretninama katastra i zemljišne knjige za k.o. Bradići i Ravna. Federalna uprava za geodetske i imovinsko-pravne poslove je odobrila i nastavak projekta uspostave digitalne arhive te Odjeljenje vrši pripreme za nastavak ovog projekta za katastarske općine Bradići, Ravna, Straište i Ošve.

Prema Ugovoru o zajedničkim obvezama pri uspostavi i održavanju podataka adresnog registra na području općine Maglaj, potpisanom u mjesecu augustu 2018. godine, Odjeljenje je u 2020. godini unijelo 9765 promjena u adresni registar.

3.3. ODJELJENJE ZA IMOVINSKO-PRAVNE POSLOVE

Broj predmeta u 2020. godini ovog odjeljenja je prikazan u tabeli:

Preneseno iz prethodnih godina	Broj zaprimljenih predmeta u izvještajnom periodu	Rješavanje predmeta		
		Riješeno	Neriješeno	U postupku
182	70	64	160	28

Napominjemo da u ovom Odjeljenju zbog specifičnosti predmeta postoje i predmeti koji su u rješavanju duži niz godina.

4. SLUŽBA ZA BORAČKO-INVALIDSKU I SOCIJALNU ZAŠTITU, OPĆU UPRAVU I DRUŠTVENE DJELATNOSTI

U periodu od 01.01. do 31.12.2020. godine aktivnosti Službe za boračko-invalidsku i socijalnu zaštitu, opću upravu i društvene djelatnosti realizovala je aktivnosti određene i utvrđene zakonskim i drugim normativno-pravnim aktima, Planom i programom rada Službe za 2020. godinu, kao i smjernicama i zadacima dobivenim od Općinskog vijeća i načelnika općine. Slijedi prikaz realizovanih aktivnosti po odjeljenjima.

4.1. BORAČKO-INVALIDSKA ZAŠTITA

Aktivnosti u oblasti boračko-invalidske zaštite provodile su se u skladu sa zakonom o osnovnim pravima branilaca i članova njihovih porodica i civilnih žrtava rata kao i aktivnosti obuhvaćene priznavanjem kao i prestankom prava ličnih i porodičnih invalidnina gdje je tokom 2020.godine kroz:

- obračun invalidnina ratnih vojnih invalida i porodica šehida i poginulih boraca 473 lica ostvarilo ukupan iznos primanja 1.236.154,10 KM kroz ličnu invalidninu i 412 lica ostvarilo ukupna primanja 1.601.829,71 KM kroz porodičnu invalidninu;
- obračun invalidnina civilnih žrtava rata 57 lica ostvarilo ukupan iznos primanja 150.234,84 KM kroz ličnu invalidninu i 78 lica ostvarilo ukupna primanja 245.795,05 KM kroz porodičnu invalidninu;
- obračun federalne i kantonalne egzistencijalne naknade 196 lica ostvarilo ukupan iznos primanja 488.325,20 KM od Federacije BiH i 357 lica ostvarilo ukupna primanja 494.044,00 KM od ZDK.

U skladu sa Zakonom o dopunskim pravima branilaca i članova njihovih porodica realizovane su aktivnosti shodno podnesenim zahtjevima pripadnika boračke populacije, te obradama predmeta za korisnike pomoći, gdje je obrađeno 1221 zahtjeva od kojih je 1064 pozitivno riješenih i 57 odbijenih po raznom osnovu. U oblasti ostvarivanja prava na novčane egzistencijalne naknade po propisima Federacije BiH i ZDK, zaprimljeno je 510 predmeta za utvrđivanje boračke egzistencijalne naknade, kroz:

- 59 zahtjeva za ostavriavanje prava za egzistencijalnu naknadu po propisima Federacije BiH, od kojih je obrađenih 55 predmeta, a 4 predmeta čekaju uvjerenje iz PIO/MIO o korisničkom statusu;
- 451 zahtjev za ostvarivanje prava za egzistencijalnu naknadu po propisima ZDK, od kojih je uvedeno u pravo 357 korisnika, dok su 94 zahtjeva odbijena po raznom osnovu (neispunjenja propisa, odustajanja na lični zahtjev, prestanak prava i uvođenje u pravo po propisima Federacije, duplih predmeta i sl.).

Rješenje o priznavanju prava na porodičnu invalidninu ostvarila su 24 lica, a 5 lica je rješenjem izgubilo to pravo, dok je u postupku obrade 8 predmeta na ostvarivanje odnosno prestanak prava.

U postupku civilnih žrtava rata obrađenih je 11 predmeta od kojih 2 predmeta su bila upućena po žalbi koje su kod drugostepenog organa odbijene, a nakon pokrenutog spora sud je presudio u korist ta dva korisnika i treba u narednom periodu obnoviti postupak.

4.2. SOCIJALNA ZAŠTITA

U oblasti socijalne zaštite u navedenom izvještajnom periodu obrađeno je 769 predmeta od čega je pozitivno riješeno 709 predmeta, a 60 predmeta je u postupku rješavanja.

Rekonstrukcija stambenih jedinca, obnova infrastrukture i održivosti povratka (tokom 2020.godine) ogleđala se kroz:

- za 3 korisnika sa EU-UNDP kao donatorom, projekta obnovu stambenih objekata po sistemu „ključ u ruke“ sa ekonomskom pomoći vrijednosti 150.000 KM;
- za 5 korisnika sa Saudijskim fondom za međunarodni razvoj - SAF kao donatorom, projekat obnova stambenih objekata po sistemu „ključ u ruke“ za lica srpske nacionalnosti, povratnike na teritoriji općine Maglaj u vrijednosti od cca 150.000,00 KM;
- za 1 korisnika sa Federalnim ministarstvom za izbjeglice i raseljena lica kao donatorom, projekat pomoći u građevinskom materijalu za sanaciju stambenog objekta u visini od cca 20.000 KM.

U koordinaciji sa Republičkim sekretarijatom za raseljena lica i migracije Vlade RS-a, realizovan je projekat „Obnova infrastrukture u povratničkim naseljima“- rekonstrukcije i asfaltiranja puta u povratničkom mjestu Crnojevići u dužini 595 m, u vrijednosti cca 40.000 KM.

Obrađeno je 1014 predmeta, od čega je riješeno 1005 predmeta, dok je 9 predmeta u postupku rješavanja. Ostale aktivnosti odnosili su se na:

- Izrada rješenja za plaćanje troškova stanovanja iz sredstava Budžeta ZDK, kao i izrada odluka za isplatu novčanih sredstava po potvrđenim rješenjima;
- Izrada odluka za plaće, naknade, materijalni troškovi i socijalna pomoć i dr. po zahtjevu;
- Saradnja sa Udruženjima: Crveni križ, MDD "Merhamet", Invalidi rada, UG penzionera, Crveni križ;
- Saradnja sa JU Cenatar za socijalni rad, JU Dom zdravlja i JU Centar za djecu i odrasle osobe s posebnim potrebama ZDK;
- Izrada uvjerenja i drugih akata za navedene kategorije stanovništva.

4.3. OBLASTI OBRAZOVANJA, NAUKE, KULTURE I SPORTA

Tokom 2020. godine nastavljena je i dobra i kontinuirana saradnja na relaciji Općina Maglaj i ustanove koje se bave odgojem i obrazovanjem i to: JU "Dječiji vrtić" Maglaj, PPU "Maglajska mala raja", PPU "Dječiji osmijeh" kao i sa školama na području naše općine, te ostvarivani redovni kontakti i konsultacije sa nadležnim Kantonalnim ministarstvom. Zbog pandemije prouzrokovane pojavom COVID-19 nisu realizovana školska takmičenja učenika osnovnih i srednjih škola.

Nakon objavljenog Javnog poziva Ministarstva za obrazovanje, nauku, kulturu i sport ZDK, a koji se odnosi na studentske stipendije, zaprimljena je 31 prijava studenata, te je sačinjen prijedlog liste studenata za dodjelu stipendija i po okončanju svih aktivnosti putem Budžeta Općine izvršena isplata stipendija za 29 studenata. U 2020. godini iz Budžeta Općine dodijeljene su stipendije za 17 studenata I i II ciklusa studija kao i 9 studenata u kategoriji nadarenih, odnosno studentima koji studiraju na visokoškolskim ustanovama, na smjerovima koji važe za deficitarne.

U okviru aktivnosti za poboljšanje učeničkog standarda realizovane su novčane pomoći za mjesečne karte za prijevoz 43 učenika srednjih škola, od kuće do škole po zahtjevima stranaka.

U skladu sa Zakonom o zdravstvenom osiguranju, rješavano je privremeno zdravstveno osiguranje (prijava i odjava) po zahtjevima studenata i učenika, za studente koji su prešli starosnu granicu i studente i učenike koji nisu mogli ostvariti zdravstveno osiguranje po drugom osnovu. U tu svrhu urađeno 10 rješenja o prijavi i 4 rješenja o odjavi privremenog zdravstvenog osiguranja učenika i studenata.

Tokom 2020.godine i pored objavljenog Javnog poziva za dostavu projektnih prijedloga po ReLOad smjernicama, planirane aktivnosti nisu mogle biti realizovane zbog mjera koje su bile na snazi tokom 2020.godine a odnosile su se na suzbijanje i širenje COVID-19. Shodno mogućnostima i prilagođenim aktivnostima u oblasti kulture uspjele su se realizovati aktivnosti u manjem obimu od uobičajnog. U koordinaciji sa JU Narodna biblioteka i JU Dom kulture, provedena je aktivnost obilježavanje 49.godišnjice Festivala „Studentsko ljeto Maglaj 2020“. Podržali smo i štampanje i promociju knjige "Kada od čovjeka očekuješ da bude muškarac-Licem u lice sa ratom" autorice Christine Doctare. Podržan je i javni nastup Vojnog orkestra 327. Viteške brdske brigade Maglaj, kao i niz projekata iz kulture različitih udruženja a koji su se mogli realizovati u skladu sa epidemiološkim mjerama.

Tokom 2020. godine na području općine Maglaj, i pored primjena mjera uzrokovanih pojavom COVID-19, djelovalo je 13 sportskih klubova koji u svom sastavu imaju omladinske selekcije i Društvo pedagoga fizičke kulture Maglaj, koje se bavi organiziranjem sportskih aktivnosti i takmičenja učenika osnovnih i srednjih škola.

Sa svima njima održavana je kontinuirana saradnja, davanje uputa i obavijesti o javnim pozivima, podrška u djelovanju i informacije iz nadležnosti referata, organizirani su i sastanci i ostvarivani kontakti s ciljem uspješnijeg djelovanja ovih udruženja.

Kao i prethodnih godina Općina Maglaj, pored redovne podrške sportskim klubovima, je sufinansirala niz sportskih događaja koji su realizovani na prostoru općine. Između ostalog je odbojkaški turnir na pijesku „Jasenکو Softić“, Turnir „Sedam Visovih ljljana“, Izbor sportiste općine Maglaj, turniri u košarci i malonogometni turniri i sl., a u navedenom periodu finansirala troškove korištenja Sportske dvorane za treninge i utakmice sportskih klubova.

Aktivnosti NVO na teritoriji općine Maglaj su bile svedene na minimum. Mjere koje su propisane od strane nadležnih institucija u cilju suzbijanja COVID – 19 su onemogućile aktivnosti koje su bile

planirane po Javnom pozivu u sklopu projekta ReLOad. Ipak shodno mogućnostima, obzirom na primjernu mjeru od pojave COVID-19, sufinansirani su i projekti organizacija: UG Pčelari, UG za zaštitu sitnih životinja, UG slijepih Tešanj (sastavu udruženja čine i slabovidna i slijepa lica sa teritorije općine Maglaj), UŽ Cicmanke Novi šehar, Udruženje mladih „EHO“, HKUD Gromovnik. Podržali smo i našeg sugrađanina Almira Delića u takmičenju „Zvijede granda“, kao i Adela Husića u svjetskom takmičenju frizera.

Udruženja mladih „Sub Castro Nostro“ i „Mreža mladih“ Kopice realizovali su aktivnosti na ograđivanju poligona Kosova i Kopice, te sjećanja na period 92-95 sa muzikom Vojničkog orkestra.

U navedenom periodu u okviru odjela društvenih djelatnosti i boračko - invalidske i socijalne zaštite urađeno je i slijedeće:

- zaprimljeno 580 različitih akata (dopisa, zahtjeva, molbi, odgovora, obavještenja, rješenja, izvještaja, informacija, javnih poziva, projekata, odluka, upita, pravdanja i dr.);
- urađeno i upućeno 750 rješenja, informacija, obavijesti, urgencija, preporuka, mišljenja, javnih poziva, izvještaja, uvjerenja, uputa, potvrda i drugo);
- urađene 420 različite odluke, doneseno 39 rješenja, obrađeno 520 predmeta, arhivirano 302 predmeta, opsluženo cca 705 stranaka;
- urađeni javni pozivi za raspodjelu sredstava za omladinski sport, kulturu, omladinske projekte i projekte ostalih civilnih udruženja;
- urađeni kriteriji za dodjelu sredstava za prijevoz učenika -mjesečne karte;
- odgovoreno na sva postavljena vijećnička pitanja;
- urađen izvještaj za 2020. godinu i plan i program rada za 2021.godinu;
- rađene informacije i izvještaji po zahtjevu rukovodioca Službe i načelnika općine;
- rađene informacije i dostavljeni traženi podaci Ministarstvu za obrazovanje, nauku, kulturu i sport.

4.4. AKTIVNOSTI MATIČNOG UREDA

Shodno Zakonu o matičnim knjigama („Službene novine Federacije BiH“, br. 37/12 i 80/14) izvršeno je ukupno upisa u matične knjige kako slijedi:

Vrsta upisa	MU Maglaj	MU Novi Šehar	MU Kosova	Ukupno
Upisa u matičnu knjigu rođenih	154	48	24	226
Upisa u matičnu knjigu umrlih	198	79	38	315
Upisa u matičnu knjigu vjenčanih	125	3	2	130

Vrsta aktivnosti	MU Maglaj	MU Novi Šehar i Kosova
Izvod iz MKR	3403	1123
Izvod iz MKU	794	304
Izvod iz MKV	1300	450
Izdato uvjerenja o državljanstvu	1611	600
Ostala uvjerenja	4231	1550
Broj unosa u matične knjige	2403	2008
Broj verifikacija u CMR	6086	2060
Naplaćeno takse	23.568,00	cca 6.000,00
Protokolisana pošta kroz skraćeni djevodnik (izvještaji, kućne liste, potvrde, rješenja i ostalo)	771	350
Biometrija (provjere za lične karte i pasoše)	Za 446 lica, i to: - 200 provjera kroz MKR - 440 provjera kroz KD	
Ovjere potpisa		Kosova-160, Novi Šehar - 250
Ovjere fotokopija		Kosova- 330, Novi Šehar - 850

U periodu od 03.01 2020. godine, obrađeno je 42 predmeta promjena upisa, ispravke greški, odobravanje naknadnih upisa, dozvole promjena podataka i sl. Pozitivno je riješeno 41 i donesena rješenja su pravosnažna, a 1 predmet je odbačen radi ne nadležnosti jer se radi o promjeni prezimena za čiji postupak je nadležan MUP. Također, naplaćeno je 2.940,00 KM općinskih taksi radi zaključenja braka. Zaključenja

brakova su se obavljala u radne dane kao i u dane vikenda u zgradi Općine Maglaj, a jedno vjenčanje izvan zgrade Općine Maglaj.

4.5. AKTIVNOSTI PISARNICE I ŠALTERA

U navedenom periodu na Pisarnici Općine Maglaj urađeno je slijedeće:

- zaprimljeno od strane fizičkih i pravnih lica - 10.564 akata i predmeta;
- zavedeno i dostavljeno u rad – 6.419 predmeta;
- kroz knjigu osobne pošte zavedeno i dostavljeno u rad - 8.217 akata
- arhivirano iz 2020. godine – 1.794 predmet
- arhivirano iz prethodnih godina – 5.125 predmeta
- zavedeno kroz knjigu računa – 1.869 računa
- zaprimljeno službenih novina - 283 novine
- zaprimljeno časopisa - 14 časopisa
- otpremljeno pošte kroz knjigu PTT - 2.437 pošiljki
- zavedeno pošte kroz knjigu dostavljača /kurira/ - 10.087 pošiljki
- pošta zavedena i dostavljena prema ZDK – 1.028 pošiljki

U periodu 03.01.2020 do 31.12.2020.godine ukupno je opsluženo 13.061 građana, Od tog broja izvršeno je 9.885 ovjera kroz zakonom propisanu evidenciju za ovjeru potpisa, rukopisa i prepisa, dok je informativno opsluženo 3.176 građana po raznim pitanjima. Zaključene su sve zakonom propisane evidencije i otvorene nove evidencije za 2021. godinu te pripremljeni svi tipski obrasci. U navedenom periodu ukupno je naplaćeno 29.232.00 KM.

4.6. AKTIVNOSTI NA PRAĆENJU RADA I PRUŽANJE POMOĆI PRI RADU MJESNIH ZAJEDNICA

Donošenje odluke o osnivanju-potvrđivanju mjesnih zajednica na području općine Maglaj, kao i Odluke o postupku registracije i načinu vođenja Registra mjesnih zajednica općine Maglaj uz predloženi Nacrt Statuta MZ-a općine Maglaj, predhodilo je aktivnostima na izboru i imenovanju rukovodstva MZ-a, koje zbog proglašenja pandemije prouzrokovane pojavom COVID-19 nisu realizovane. Primjena mjera i poštivanje naredbi kriznih štabova Ministarstva zdravlja Federacije BiH i štabova CZ-a Federacije BiH onemogućile su da se do kraja 2020. godine realizuju predviđene aktivnosti, što u potpunosti usporava i onemogućuje rad sa MZ-a na provedbi zakonom predviđenih aktivnosti.

I pored navedenih problema Općina Maglaj je kroz Javni poziv UNDP-a uspjela postati partner općina u realizaciji projekta „Jačanje kapaciteta MZ-a“ kroz koje će 5 MZ sa teritorije općine Maglaj proći kroz obuke, obezbjeđenja IT opreme, a kasnije i realizaciju nekih od prioritarnih projekata za MZ-u, pod uslovom da do polovine trećeg mjeseca naredne godine se imenuje rukovodstvo MZ-a.

5. SLUŽBA CIVILNE ZAŠTITE

Rad Službe civilne zaštite Općine Maglaj (u daljem tekstu Služba) u 2020. godini odvijao se na temelju Zakona o zaštiti i spašavanju ljudi i materijalnih dobara od prirodnih i drugih nesreća (Sl. novine FBiH broj 39/03, 22/06 i 43/10), Zakona o zaštiti od požara i vatrogastvu (Sl. novine FBiH broj 65/09), Kantonalnom zakonu o zaštiti od požara i vatrogastvu („Službene novine ZE-DO kantona“, broj 5/11), Programa rada Općinskog vijeća i načelnika općine, suradnje sa Općinskim štabom CZ, Programa rada Službe za 2020. godinu i prema važećim zakonskim i podzakonskim propisima, naredbama i uputstvima nadležnih federalnih i kantonalnih organa, kao i procjene potreba organizovanja i poduzimanja preventivnih i operativnih mjera zaštite i spašavanja ljudi i materijalnih dobara od prirodnih i drugih nesreća.

Analizirajući realizaciju programskih zadataka u 2020. godini uz sagledavanje složenosti situacije sa aspekta ugroženosti teritorije općine od prirodnih i drugih nesreća i opremljenosti Službe neophodnim materijalno-tehničkim sredstvima, može se zaključiti da ih je služba uspješno realizirala, prije svega zahvaljujući angažmanu svih zaposlenih u Službi, dobroj suradnji sa načelnikom općine, ali i dobro uspostavljenom saradnjom sa ustanovama, organima i organizacijama kojima ja zaštita i spašavanje ljudi i materijalnih dobara osnovna djelatnost, kao i onih koje su u zaštitu i spašavanje uključivane po potrebi.

Osnovne aktivnosti Službe u toku izvještajnog perioda bile su usmjerene na:

- Poslove i zadatke koji su stavljeni u nadležnost Službe zakonom i drugim propisima kao i prenesenih zadataka od strane Kantonalne i Federalne uprave civilne zaštite;
- Poslove i zadatke koji proističu iz Programa rada i zaključaka Općinskog vijeća i načelnika općine;
- Ostalim redovnim i vanrednim poslovima i aktivnostima iz djelokruga Službe.

Do 31.12. 2020. godine Služba civilne zaštite uradila je 155 službenih akata i to: akata načelnika općine koji su se odnosili na odluke, rješenja, izvještaje, zapisnike, informacije i sl., ostali akti službe i akti Općinskog štaba CZ. U 2020.godini uposlenici Službe CZ su po raznim zahtjevima građana (oštećenost puteva i objekata, potpornih zidova, plastenika, sniježnih padavina, klizišta, odrona, požara i sl.) izlazili na teren radi snimanja stanja, pripreme I realizacije rješenja problema.

5.1. OPĆINSKI ŠTAB CIVILNE ZAŠTITE

Odlukom Općinskog vijeća Maglaj o osnivanju Općinskog štaba civilne zaštite Maglaj Služba civilne zaštite provodi stručne, administrativne, tehničke i druge poslove za potrebe Štaba.

Općinski štab civilne zaštite je stručno-operativni organ koji funkcionira samo onda kada nadležni organ proglasi stanje prirodne ili druge nesreće, odnosno kada treba preventivno djelovati prije nastanka prirodne ili druge nesreće, kao i za vrijeme obuke, vježbi civilne zaštite i razmatranja materijala od interesa za Štab.

U 2020. godini zbog pojave koronavirusa COVID-19 Općinski štab civilne zaštite je održao 4 redovne i 19 vanrednih sjednica.

5.2. RAD OPERATIVNOG CENTRA CIVILNE ZAŠTITE

Operativni centar CZ općine Maglaj je u 2020. godini svakodnevno prikupljao podatke sa terena, te iste prosljeđivao Kantonalnoj upravi CZ, načelniku općine, kao i sredstvima informisanja, a tokom prirodne nesreće (poplava i klizišta) i Federalnoj upravi CZ. U proteklom periodu prosljeđeno je ukupno 253 izvještaja.

Uposlenik Operativnog centra CZ je po potrebi izlazio na teren kada su to okolnosti zahtjevale. Također je uposlenik Operativnog centra u prošloj godini imao jako dobru suradnju i koordinaciju u svom radu sa nadređenim u službi, komadantom Općinskog štaba CZ i svim institucijama i ustanovama sa kojima je svakodnevno komunicirao i od kojih je dobijao potrebne informacije. Operativni centar CZ funkcioniše u osmosatnom radnom vremenu dok se izvan radnog vremena općinske administracije informacije prikupljaju u PVJ.

5.3. OBLAST ZAŠTITE OD POŽARA - ODJELJENJA PROFESIONALNE VATROGASNE JEDINICE

Odjeljenje Profesionalne vatrogasne jedinice je radilo po mjesečnim nastavnim planovima obrazovanja PVJ za svaki mjesec posebno. Za svaki dan radi se dnevna zapovjed rada za sve uposlenike sa konkretnim zadacima i aktivnostima u PVJ od strane rukovodioca PVJ. U navedenom Odjeljenju ima 14 uposlenih, koji imaju potrebnu kvalifikaciju i stručne ispite za svoja radna mjesta.

U periodu 01.01-31.12.2020.godini PVJ je imala 109 intervencija (tabelarni prikaz svih vrsta intervencija prikazan je u osnovnoj verziji Izvještaja). Pored svojih redovnih planskih aktivnosti servisiraju se i vatrogasni aparati svih vrsta. Sačinjeno je 89 zapisnika o obavljenom servisu i pregledu PP aparata na području općine Maglaj.

Zaštita od požara mora se provoditi i organizovati na svim mjestima, prostorima i objektima kako pojedinci nepažnjom ne bi mogli ugroziti ljudske živote ili imovinu. Svaki pojedinac ima obavezu da vodi računa da svojim postupcima ne izazove požar, ili dovede u pitanje život drugog lica i imovinu drugih vlasnika.

5.4. MJERE ZAŠTITE I SPAŠAVANJA

Aktivnosti Službe na zaštiti i spašavanju se ogledaju kroz mjere zaštite i spašavanje od neeksplozivnih ubojnih sredstava i zaštite i spašavanja od prirodnih i drugih nesreća. Za realizaciju ovih aktivnosti

neophodna je dobra i kontinuirana saradnja Službe civilne zaštite sa drugim službama i institucijama koje se bave ovim aktivnostima kao i saradnje sa drugim pravnim licima.

5.4.1. ZAŠTITA I SPAŠAVANJE OD NEEKSPLODIRANIH UBOJNIH SREDSTAVA

Općina Maglaj je jedna od najugroženijih općina, kako u kantonu tako i u Federaciji BiH, kada su u pitanju mine i neeksplodirana ubojna sredstva, pri čemu je Služba civilne zaštite stalno uključena u organizaciju i odrađivanje pomenutih poslova, te planom i programom rada svake godine planiraju se aktivnosti na provođenju preventivnih i operativnih mjera zaštite i spašavanja od NUS-a.

Sa terena općine Maglaj po dojavama građana i drugih fizičkih i pravnih lica odstranjeno je i uništeno na mjestu pronalaska 9 ubojnih sredstava raznih vrsta, a 130 ubojnih sredstava je uklonjeno na teritoriji općine i transportirano u kontejner civilne zaštite u Busovači.

Služba civilne zaštite je dostavila Listu prijedloga prioritetnog deminiranja i tehničkog izviđanja Kantonalnoj upravi civilne zaštite koja ih je prosljedila BH MAC-u, na temelju čega je urađena i usvojena Lista prioritetnog deminiranja za 2021. godinu, čija će realizacija ovisiti o raspoloživim novčanim sredstvima namjenjenim za deminiranje. Na Listi se nalazi 14 projektata, ukupne površine 654.539,38 m² (tabelarni prikaz Liste prijedloga prioritetnog deminiranja i tehničkog izviđanja je prikazan u osnovnoj verziji Izvještaja).

5.4.2. ZAŠTITA I SPAŠAVANJE OD PRIRODNIH I DRUGIH NESREĆA

U 2020. godini naša općina je bila pogođena pandemijom virusa COVID-19 i ova opasnost je još prisutna. Rad službe se ogledao i kroz aktivnosti na provođenju epidemioloških mjera s ciljem zaštite stanovništva a što je ranije prezentirano Općinskom vijeću kroz dostavljeni Izvještaj. Iste aktivnosti i nakon dostavljanja Izvještaja su nastavljene uz prilagođvanje mjerama koje je donosio Krizni štab Ministarstva zdravstva Federacije BiH.

Kada su u pitanju durge potrebe stanovništva koje nisu vezane za pandemiju u Službu civilne zaštite je tokom 2020. godine stigao veliki broj usmenih i pismenih dojava i zahtjeva građana, a uposlenici Službe su izašli na teren 64 puta. Uglavnom se to radilo o snimanju oštećenja stambenih i pomoćnih objekata na klizištima, praćenje stanja na istim, praćenje vodostaja rijeke Bosne i njezinih pritoka.

5.4.3. SARADNJA SLUŽBE CIVILNE ZAŠTITE SA DRUGIM PRAVNIM LICIMA

Saradnja Službe sa drugim subjektima društva na planu provođenja preventivnih i operativnih mjera zaštite i spašavanja ljudi i materijalnih dobara bila je stalna aktivnost Službe civilne zaštite, a gotovo svakodnevno je ostvarivana saradnja sa građanima i predstavnicima mjesnih zajednica, Policijskom stanicom Maglaj, timovima Federalne uprave CZ na mjerama zaštite i spašavanja od NUS-a, sredstvima javnog informiranja, službama CZ susjednih općina, iz drugih kantona, kao i službama CZ iz entiteta RS-a, sa Crvenim križom općine, sa službama, ustanovama i privrednim društvima koja u svojim redovnim djelatnostima imaju i poslove zaštite i spašavanja, sa nevladinim organizacijama itd.

ZAKLJUČAK

Izvještaj o radu Jedinog organa uprave Općine Maglaj za 2020. godinu je prikaz aktivnosti načelnika općine i općinskih službi koje su u nadležnosti Jedinog organa uprave Općine Maglaj. Izvještaj o radu Općinskog pravobranilaštva je zaseban akt koji se također daje Općinskom vijeću na razmatranje i usvajanje.

Načelnik općine uz stručnu, administrativnu i tehničku podršku općinskih službi, a u okviru finansijskih mogućnosti planiranih Budžetom za 2020. godinu, odnosno rebalansom Budžeta kao posljedicom pandemije koronavirusa, su u izvještajnom periodu obavljali poslove iz svoje nadležnosti nastojeći omogućiti osiguravanje uvjete za što kvalitetnije zadovoljavanje lokalnih potreba: građana, privrednih subjekata, raznih udruženja i organizacija civilnog društva općine Maglaj, te su nastojali odgovorno i kvalitetno ispuniti svoju obavezu vođenja izvršnih poslova Općine Maglaj kao jedinice lokalne samouprave.

Izvještaj sadrži opći dio i skraćene verzije izvještaja općinskih službi. Također, na raspolaganju je i uvid u cjelokupni izvještaj svake službe pojedinačno.

Sistemske pristupom, transparentnim radom i saradnjom sa institucijama i pojedincima postignuti su rezultati realizacije planiranih aktivnosti za 2020. godinu prikazani u ovom Izvještaju, Izvještaju o realizaciji plana kapitalnih investicija, kao i u drugim zasebnim izvještajima koji se dostavljaju Općinskom vijeću, bilo kao informacija ili na usvajanje.

Bitno je istaći da je u izvještajnom periodu pandemija koronavirusa negativno uticala na realizaciju planiranog/rebalansiranog Budžeta Općine za 2020. godinu što je za posljedicu imalo smanjenje ulaganja u različite sfere društvenih i životnih aktivnosti na terenu. Procjena je da postepenu stabilizaciju Budžeta možemo očekivati tek 2022. godine, iako je i to još uvijek rano tvrditi obzirom na sve privredne i ekonomske tokove uvjetovane pandemijom.

Cilj je i u narednom periodu uz dobru saradnju sa Općinskim vijećem Maglaj raditi na usaglašavanju podzakonskih akata sa važećom zakonskom i podzakonskom regulativom.

U narednom periodu neophodno je i dalje nastaviti sa kontinuiranim obukama uposlenika, sa razvojem i unapređenjem elektronskog funkcionisanja unutar općinske administracije što za krajnji cilj ima stvaranje ambijenta efikasne, odgovorne i kvalitetne administracije.

